

# 史記測議

卅五之九



漢書門			
三	一	八	二
二	四	八	一
冊	架	函	號

內閣文庫			
二	二	漢	
九	一	書	
函	三		
一	二		
架	冊	號	類

內閣文庫		
番號	漢	2134
冊數	32 ( 15 )	
函號	279	36

史記  
八二



史記卷之三十五

華亭

陳子龍

測議

徐子遠

文庫

管蔡世家第五

管叔鮮

正義曰音仙括地志云鄭州管城縣今州外城即管國城也

蔡叔度者周

文王季子

而武王弟也武王同母兄弟十人母曰太姒

楊慎曰叙武王同母兄弟十人之為支為本賢不成敗條分晰列可為序支派之法

正義曰太姒也

女傳云太姒者武王之母禹後姒氏之女曰文母文王理外交母治內太姒生十男及長未嘗見邪僻之事 文王正妃也其長子曰伯邑考次

曰武王發次曰管叔鮮次曰周公旦次曰蔡叔度次

曰曹叔振鐸。次曰成叔武。

正義曰括地志云濮州雷澤縣在東南九十一里漢

邲陽縣古邲伯姬姓之

次曰霍叔處。

正義曰括地志云晉州霍邑縣

本漢魏縣也鄭玄註周禮云霍山在魏本春秋時霍伯國地

次曰康叔封。次曰冉

季載。

正義曰伯邑考最長所以加伯諸中子咸言叔以載最少故言季載

冉季載最少。

同母兄弟十人。

徐廣曰文王之子唯發且賢左右輔

文王故文王舍伯邑考而以發為太子。

未必文王有意廢立武王為次弟其序亦及也

及文王崩而發立是為武王

考為紂所殺

伯邑考既已前卒矣武王已克殷紂平天下封功臣

昆弟於是封叔鮮於管。

杜預曰管在滎陽京縣東北

封叔度於蔡。

世本曰二人相紂子武庚祿父治殷遺民

子龍曰二人俱未就

居上蔡

國為監封叔且於魯而相周為周公封叔振鐸於曹

於殷也

封叔武於成。

索隱曰按春秋隱五年衛師入邲杜預曰東平剛父縣有邲鄉後漢地理志以

為成本國又地理志廩丘縣南有成故城應劭云武

王封弟季載於成是古之成邑應仲遠誤云季載封

耳封叔處於霍康叔封冉季載皆少未得封。

索隱曰

曰康畿內國名地關

叔字也封叔名耳武王既崩成王少周公旦專王

室管叔蔡叔疑周公之為不利於成王乃挾武庚以

作亂周公旦承成王命伐誅武庚殺管叔而放蔡叔

遷之與車十乘徒七十人從而分殷餘民為二其一

管蔡世家

封微子啓於宋以續殷祀其一封康叔爲衛君是爲衛康叔封季載於冉索隱曰冉國也載名也季字也冉季康叔皆有

馴行索隱曰如字音巡馴善也於是周公舉康叔爲周司寇冉季

爲周司空索隱曰事見左傳定公四年以佐成王治皆有令名於

天下蔡叔度既遷而死其子曰胡胡乃改行率德馴

善周公聞之而舉胡以爲魯卿士索隱曰尚書云蔡仲克庸祇德周公

以爲卿士叔卒乃命諸王邦之蔡元無仕魯之文又伯禽居魯乃是七年致政之後此言乃說居攝政之初未知史遷何憑而有斯言也○孚遠曰魯國治於卿士疑是豕宰之屬如漢丞相司直也

是周公言於成王復封胡於蔡宋忠曰胡徙居新蔡以奉蔡叔

之祀是爲蔡仲餘五叔皆就國無爲天子吏者索隱曰王

叔管叔蔡叔成叔曹叔霍叔○子龍曰管叔已誅不聞紹封此言五叔者總論前後也蔡仲卒

子蔡伯荒立蔡伯荒卒子宮侯立宮侯卒子厲侯立

厲侯卒子武侯立武侯之時周厲王失國奔彘其和

行政諸侯多叛周武侯卒子夷侯立夷侯十一年周

宣王卽位二十八年夷侯卒子釐侯所事立釐侯三

十九年周幽王爲犬戎所殺周室卑而東徙秦始得

封爲列侯四十八年釐侯卒子共侯興立共侯二年

卒子戴侯立戴侯十年卒子宣侯措父立宣侯二十

史記

八年魯隱公初立三十五年宣侯卒子桓侯封人立  
 桓侯三年魯弑其君隱公二十年桓侯卒弟哀侯獻  
 舞立哀侯十一年初哀侯娶陳息侯亦娶陳杜預曰  
南新息夫人將歸過蔡蔡侯不敬息侯怒請楚文王  
 來伐我我求救於蔡蔡必來楚因擊之可以有功楚  
 文王從之虜蔡哀侯以歸哀侯留九歲死於楚凡立  
 二十年卒蔡人立其子盼是為繆侯繆侯以其女弟  
 為齊桓公夫人十八年齊桓公與蔡女戲船中夫人  
 蕩舟桓公止之不止公怒歸蔡女而不絕也蔡侯怒

嫁其弟

索隱曰弟女弟即蕩舟之姬

齊桓公怒伐蔡蔡潰遂虜繆

侯南至楚邵陵已而諸侯為蔡謝齊齊侯歸蔡侯二  
 十九年繆侯卒子莊侯甲午立莊侯三年齊桓公卒  
 十四年晉文公敗楚於城濮二十年楚太子商臣弑  
 其父成王代立二十五年秦穆公卒三十三年楚莊  
 王即位三十四年莊侯卒子文侯申立文侯十四年  
 楚莊王伐陳殺夏徵舒十五年楚圍鄭鄭降楚楚復  
 驩之正義曰驩音釋二十年文侯卒子景侯同立景侯元年  
 楚莊王卒子遠曰蔡邊楚依楚為存亡故此傳專戶楚事二十九年景侯為

太子般娶婦於楚而景侯通焉太子弑景侯而自立

是為靈侯靈侯二年楚公子圍弑其王郊敖而自立

為靈王正義曰郊紀洽九年陳司徒招弑其君哀公

索隱曰招或作若又作昭楚使公子棄疾滅陳而有之十二年楚

靈王以靈侯弑其父誘蔡靈侯子正義曰故申伏

甲飲之醉而殺之刑其士卒七十人令公子棄疾圍

蔡十一月滅蔡使棄疾為蔡公正義曰蔡之大夫也楚滅蔡三

歲楚公子棄疾弑其君靈王代立為平王平王乃求

蔡景侯少子廬立之是為平侯宋忠曰平侯徒下蔡是年楚亦

復立陳楚平王初立欲親諸侯故復立陳蔡後世本日平

侯者靈侯般之孫太子友之子平侯九年卒靈侯般之孫東國攻平

侯子而自立是為悼侯悼侯父曰隱太子友者靈侯

之太子平侯立而殺隱太子故平侯卒而隱太子之

子東國攻平侯子而代立是為悼侯悼侯三年卒弟

昭侯甲立昭侯十年朝楚昭王持美裘二獻其一於

昭王而自衣其一楚相子常欲之不與子常讒蔡侯

留之楚三年蔡侯知之乃獻其裘於子常子常受之

乃言歸蔡侯蔡侯歸而之晉請與晉伐楚十三年春

按此從前直敘復用二故字覆轉文法曲折變化處

與衛靈公會邵陵蔡侯私於周襄弘以求長於衛。服虔

日載書使衛使史鮪言康叔之功德乃長衛夏為晉

滅沈。杜預曰汝南平楚怒攻蔡蔡昭侯使其子為質

於吳。正義曰以共伐楚冬與吳王闔閭遂破楚入郢

蔡怨子常子常恐奔鄭十四年吳去而楚昭王復國

十六年楚令尹為其民泣以謀蔡蔡昭侯懼二十六

年孔子如蔡楚昭王伐蔡蔡恐告急於吳吳為楚遠

約遷以自近易以相救招侯私許不與大夫計吳人

來救蔡因遷蔡於州來。索隱曰州來在二十八

侯將朝於吳大夫恐其復遷乃令賊利殺昭侯。索隱曰利

賊名也已而誅賊利以解過而立昭侯子朔是為成侯

徐廣曰成侯四年宋滅曹十年齊田常弑其君簡公

十三年楚滅陳十九年成侯卒于聲侯奔立聲侯十

五年卒于元侯立元侯六年卒于侯齊立侯齊四年

楚惠王滅蔡蔡侯齊亡蔡遂絕祀後陳滅三十三年

索隱曰魯哀十七年楚滅陳其楚滅蔡絕其祀又伯

在滅陳之後三十三年即在春秋後二十三年伯

邑考其後不知所封武王發其後為周有本紀言管

叔鮮作亂誅死無後周公旦其後為魯有世家言蔡

按觀太史公此贊則知此世家言所重在十人也故

獨

叔度其後為蔡。有世家言。曹叔振鐸其後為曹。有世家言。索隱曰。曹亦姬姓之國。而文之昭。春秋之時。頗稱強國。傳數十代。而後亡。豈可附管蔡亡國之末。而沒其篇第。成叔武其後世無所見。霍叔處其後。自合析為一篇。晉獻公時滅霍。康叔封。其後為衛。有世家言。冉季載其後世無所見。

太史公曰。管蔡作亂。無足載者。然周武王崩。成王少天下。既疑。賴同母之弟。成叔冉季之屬。十人為輔。拂是以諸侯卒。宗周故附之。世家言。

曹叔世家

索隱曰。按上文。叔振鐸其後為曹。有世家言。今附管蔡之末。而不出題者。蓋以曹小而少事迹。因附管蔡之末。不別題篇。爾且又管叔雖無後。仍是蔡曹之兄。故顯管蔡而畧曹。

曹叔振鐸者。周武王弟也。武王已克殷紂。封叔振鐸

於曹。宋忠曰。濟陽定陶縣。叔振鐸卒。子太伯腓立。太伯卒。子仲

君平立。仲君平卒。子宮伯侯立。宮伯侯卒。子孝伯雲

立。孝伯雲卒。子夷伯喜立。夷伯二十三年。周厲王奔

於彘。三十年卒。弟幽伯彊立。幽伯九年。弟蘇殺幽伯

代立。是為戴伯。戴伯元年。周宣王已立三歲。三十年

戴伯卒。子惠伯兕立。孫檢曰。兕音徐子。及曹惠伯。或名維。或名弟。或復名弟兕也。○

索隱曰按年表作惠公伯 惠伯二十五年周幽王為

犬戎所殺因東徙益卑諸侯畔之秦始列為諸侯三

十六年惠伯卒子石甫立其弟武殺之代立是為繆

公繆公三年卒子桓公終生立孫檢曰一作桓公三

十五年魯隱公立四十五年魯弑其君隱公四十六

年宋華父督弑其君殤公及孔父五十五年桓公卒

子莊公夕姑立索隱曰夕音亦即射姑也同音亦莊公二十三年齊

桓公始霸三十一年莊公卒子釐公夷立釐公九年

卒子昭公班立昭公六年齊桓公敗蔡遂至楚召陵

九年昭公卒子共公襄立共公十六年初晉公子重

耳其亡過曹曹君無禮欲觀其駢脅韋昭曰駢者并幹也釐負

羈諫不聽正義曰釐音信曹大夫私善於重耳二十一年晉文

公重耳伐曹虜共公以歸令軍毋入釐負羈之宗族

閔或說晉文公曰昔齊桓公會諸侯復異姓今君囚

曹君滅同姓何以令於諸侯晉乃復歸共公二十五

年晉文公卒三十五年共公卒子文公壽立文公二

十三年卒子宣公彊立索隱曰左傳宣公名廬宣公十七年卒

弟成公負芻立成公三年晉厲公伐曹虜成公以歸

已復釋之。索隱曰按左傳成十五年晉厲公執負芻歸于京師晉立宣公弟子臧子臧曰聖達

節次守節下失節為君非吾節也遂逃奔宋曹人請于晉晉人謂子臧反國吾歸而君子臧反晉于是歸

負芻五年晉欒書中行偃使程滑弑其君厲公二十三年成公卒子武公勝立武公二十六年楚公子弃疾

弑其君靈王代立二十七年武公卒子平公頃立平

公四年卒子悼公午立是歲宋衛陳鄭皆火悼公八

年宋景公立九年悼公朝于宋宋囚之曹立其弟野

是為聲公悼公死於宋歸葬聲公五年平公弟通弑

聲公代立是為隱公。索隱曰譙周云春秋無其事今檢系本及春秋傳伯卒弟露立

謚靖公實無聲公隱公蓋是彼文自疎也隱公四年聲公弟露弑隱公代

立是為靖公靖公四年卒子伯陽立伯陽三年國人

有夢衆君子立于社宮。賈逵曰社宮社也鄭衆曰社宮中有室屋者謀欲

亡曹曹叔振鐸止之請待公孫彊許之且求之曹無

此人夢者戒其子曰我亡爾聞公孫彊為政必去曹

無懼曹禍。索隱曰離卽懼懼被也及伯陽即位好田弋之事六

年曹野人公孫彊亦好田弋獲白鴈而獻之且言田

弋之說因訪政事伯陽大說之有寵使為司城以聽

政夢者之子乃亡去公孫彊言霸說於曹伯十四年

曹伯從之乃背晉于宋

索隱曰于謂犯也言曹因宋棄晉而犯宋遂至滅也

景公伐之晉人不救十五年宋滅曹執曹伯陽及公

孫彊以歸而殺之曹遂絕其祀

太史公曰索隱曰檢諸本或無此論余尋曹共公之不用僖負羈

乃乘軒者三百人正義曰晉世家云晉師入曹數之

三百人知唯德之不建乃振鐸之夢豈不欲引曹之祀

者哉如公孫彊不修厥政叔鐸之祀忽諸

索隱述贊曰武王之弟管蔡及霍周公居相流言是作狼跋致艱鴟鴞討惡胡能改行克復其爵獻

舞執楚遇息禮薄穆侯虜齊蕩舟乖詐曹共輕晉負羈先覺伯陽夢社祚傾振鐸

史記卷之三十六

徐孚遠 測議

華亭 陳子龍

陳杞世家第六

陳胡公滿者虞帝舜之後也昔舜為庶人時堯妻之

二女居於瀉汭其後因為氏姓姓媯氏舜已崩傳禹

天下而舜子商均為封國索隱曰按商君所封虞夏

后之時或失或續索隱曰按夏代猶封虞思虞遂是也至於周武王克

殷紂乃復求舜後索隱曰按左傳虞暹父為周陶正

以服事武王杜註暹父舜之後陶

正官名是得滿滿封之於陳索隱曰左傳曰武王以生滿者也

封之陳以奉帝舜祀是為胡公胡公卒子申公犀

侯立申公卒弟相公臯羊立相公卒立申公子突是

為孝公孝公卒子慎公圉戎立慎公當周厲王時慎

公卒子幽公寧立幽公十二年周厲王奔於彘二十

三年幽公卒子釐公孝立釐公六年周宣王即位三

十六年釐公卒子武公靈立武公十五年卒子夷公

說立是歲周幽王即位夷公三年卒弟平公燮立正義

曰燮先平公七年周幽王為犬戎所殺周東徙秦始

列為諸侯二十三年平公卒子文公圉立文公元年

取蔡女生子佗十年文公卒長子桓公鮑立桓公二

十三年魯隱公初立二十六年衛殺其君州吁三十

三年魯弑其君隱公三十八年正月甲戌巳丑陳桓

公鮑卒索隱曰陳亂故再赴其日桓公弟佗其母

蔡女故蔡人為佗殺五父及桓公太子兔而立佗周

曰春秋傳謂佗即五父世家與傳違○索隱曰譙周

云世家與春秋傳違者按左傳桓公五年文公子他

殺桓公太子兔而代立經六年蔡人殺陳他立桓公

子躍為厲公而左傳以厲公名躍他立未踰年故無

謚又莊二十二年傳云陳厲公蔡出也故蔡人殺五

父而立之則他與五父俱為蔡人所殺其事不異是

一人明矣。史記既以他為厲公，遂以躍為利公。尋厲利聲相近，遂誤以他為厲公。五父為別人，是太史公錯耳。而班固又以厲公為桓公，桓公病而亂作。國人分故，故再赴。躍者，桓公之弟也。厲公二年生子敬

仲完。周太史過陳，陳厲公使以周易筮之。卦得觀之

否。賈逵曰：坤下巽上，觀坤下乾。是為觀國之光。利用

賓于王。杜預曰：此周易觀卦六四爻辭也。易之為書

之，此其代陳有國乎？不在此，其在異國。正義曰：六四

變內卦為中。國外卦非此，其身在其子孫。正義曰：內卦為身，外卦

也。若在異國，必姜姓。正義曰：六四變此爻，是辛未

也。子孫若在異國，必姜姓。正義曰：六四變此爻，是辛未

也。子孫若在異國，必姜姓。正義曰：六四變此爻，是辛未

也。子孫若在異國，必姜姓。正義曰：六四變此爻，是辛未

也。子孫若在異國，必姜姓。正義曰：六四變此爻，是辛未

也。子孫若在異國，必姜姓。正義曰：六四變此爻，是辛未

也。子孫若在異國，必姜姓。正義曰：六四變此爻，是辛未

也。子孫若在異國，必姜姓。正義曰：六四變此爻，是辛未

也。子孫若在異國，必姜姓。正義曰：六四變此爻，是辛未

也。子孫若在異國，必姜姓。正義曰：六四變此爻，是辛未

鍾惺曰：揚  
公所殺桓  
公太子免  
免有弟三  
人共謀殺  
厲公，得春  
而仇之  
善而兄弟  
三人相代  
有國尤快  
事

按齊本  
姜姓故  
及八世  
而田常  
與

乘羊，故為姜。姜姓太嶽之後。杜預曰：姜姓之物，莫

能兩大。陳衰，此其昌乎。正義曰：周敬王四十一年，楚

王三十九年，厲公取蔡女。蔡女與蔡人亂，厲公數如

蔡淫。七年，厲公所殺桓公太子免之三弟，長曰躍，中

曰林，少曰杵臼。共令蔡人誘厲公以好女，與蔡人共

殺厲公而立躍。公羊傳曰：淫於，是為利公。利公者，桓

公子也。利公立，五月卒。立中弟林，是為莊公。莊公七

年卒。少弟杵臼立，是為宣公。宣公三年，楚武王卒。楚

始彊。十七年，周惠王娶陳女為后。二十一年，宣公後

有嬖姬生子欸欲立之乃殺其太子禦寇禦寇素愛厲公子完完懼禍及已乃奔齊齊桓公欲使陳完為卿完曰羈旅之臣賈逵曰羈寄旅客也幸得免負檐君之惠也不敢當高位桓公使為正正義曰周禮云冬官齊為考工主作器械懿仲欲妻陳敬仲卜之占曰是謂鳳皇于飛和鳴鏘鏘杜預曰雄曰鳳雌曰皇雌曰飛相和有媽之後將育于姜杜預曰媽陳姓姜齊姓也五世其昌並于正卿服虔曰言完後五世與八世之後莫之與京賈逵曰京大也○正義曰杜預云敬八代孫田常之子襄子盤也而杜以常為八代者以桓子無字生武子開與釐子乞皆相繼事齊故以常為八代

三十七年齊桓公伐蔡蔡敗南侵楚至召陵還過陳陳大夫轅濤塗惡其過陳詐齊令出東道東道惡桓公怒執陳轅濤塗是歲晉獻公殺其太子申生四十五年宣公卒子欵立是為穆公穆公五年齊桓公卒十六年晉文公敗楚師於城濮是歲穆公卒子共公朔立共公六年楚太子商臣弒其父成王代立是為穆王十一年秦穆公卒十八年共公卒子靈公平國立靈公元年楚莊王即位六年楚伐陳十年陳及楚平十四年靈公與其大夫孔寧儀行父皆通於夏姬

身計

正義曰烈女傳云陳女夏姬者陳大夫夏徵舒之母

御叔之妻也三為王后七為夫人公侯爭之莫不迷

惑失衷其衣以戲於朝左傳曰衷其袒服穀梁傳泄

冶諫曰君臣淫亂民何效焉靈公以告二子二子請

殺泄冶公弗禁遂殺泄冶春秋曰陳殺其大夫泄冶十五年靈公

與二子飲於夏氏公戲二子曰徵舒似汝二子曰亦

似公北預曰靈公即位十五年徵舒已為卿年大無嫌是公子也蓋以夏姬淫放故謂其子多似以

為戲也徵舒怒靈公罷酒出徵舒伏弩廐門射殺靈公

左傳曰公出自其廐孔寧儀行父皆奔楚靈公太子午奔晉徵

舒自立為陳侯季遠曰徵舒弑靈公不立陳公子而自立所以來大國之討列國大夫

有弑自立者也○子龍徵舒故陳大夫也夏姬御叔

之妻舒之母也成公元年冬楚莊王為夏徵舒殺靈

公率諸侯伐陳謂陳曰無驚吾誅徵舒而已已誅徵

舒因縣陳而有之群臣畢賀申叔時使於齊來還獨

不賀賈逵曰叔時楚大夫莊王問其故對曰鄙語有之牽牛徑

人田田主奪之牛徑則有罪矣奪之牛不亦甚乎今

王以徵舒為賊弑君故徵兵諸侯以義伐之已而取

之以利其地則後何以令於天下是以不賀莊王曰

善乃迎陳靈公太子午於晉而立之復君陳如故是

為成公。孔子請史記至楚復陳曰。賢哉楚莊王。輕千乘之國而重一言。正義曰。家語云。孔子讀史記至楚。復陳喟然曰。賢哉楚莊王。輕千乘之國而重一言。之信。非申叔時之忠。弗能建其義。非楚莊王之賢。不能受其訓也。二十八年。

楚莊王卒。二十九年。陳倍楚盟。三十年。楚共王伐陳。

是歲成公卒。子哀公弱立。楚以陳喪罷兵去。哀公三

年。楚圍陳。復釋之。二十八年。楚公子圍弑其君郟敖。

自立為靈王。二十四年初。哀公娶鄭長姬。生悼太子。

師少姬。生偃。索隱曰。昭八年。經云。陳侯之弟招。殺陳悼太子偃師。今此云兩姬。又二嬖妾。長妾生留。少妾

分偃。師為二人。亦恐此非。

生勝。留有寵。哀公。哀公屬之。其弟司徒招。哀公病三

月。招殺悼太子。立留為太子。哀公怒。欲誅招。招發兵

圍守哀公。哀公自經。殺。徐廣曰。三十五年時。招卒。立留為陳君。

四月。陳使使赴楚楚。靈王聞陳亂。乃殺陳使者。索隱曰。師

招。司徒使公子弃疾發兵伐陳。陳君留奔鄭。九月。楚圍

陳。十一月。滅陳。使弃疾為陳公。招之殺悼太子也。太

子之子名吳。出奔晉。晉平公問太史趙曰。陳遂亡乎。


對曰。陳顓頊之族。服虔曰。陳祖虞舜。舜出顓頊。故為顓頊之族。陳氏得政

於齊。乃卒亡。賈逵曰。物莫能兩盛。自幕至干。瞽瞍無違命。賈逵曰。幕

舜後虞思也。至十瞽瞍無聞遠天命以廢絕者。○索隱曰：賈逵以幕為虞思非也。傳言自幕而至瞽瞍，知幕在瞽瞍之前。舜重之以明德，至於遂。杜預曰：遂舜非虞思明矣。存舜之後而封遂，言世世守之。及胡公周賜之姓。杜預曰：胡公滿遂之後也。事周武王，賜姓曰媯，封之陳。使祀虞帝，且盛德之後必百世祀虞之世未也。其在齊乎。楚靈王滅陳五歲，楚公子弃疾弒靈王代立，是為平王。平王初立，欲得和諸侯，乃求故陳悼太子師之子吳立為陳侯，是為惠公。惠公立，探續哀公卒時年而為元空籍五歲矣。索隱曰：惠公探取哀公死楚陳滅之後為元年，故今空籍五歲矣。一云籍借也，為借失國之後年為五年也。

楊慎曰：惡其人而併滅其年籍也。


七年陳大十五年。吳王僚使公子光伐陳，取胡沈而去。索隱曰：系本云胡歸姓，沈姬姓。沈國在汝南平輿，胡亦在汝南。二十八年，吳王闔閭與子胥敗楚入郢，是年惠公卒。子懷公柳立，懷公元年。吳破楚在郢，召陳侯，陳侯欲往。大夫曰：吳新得意，楚王雖亡，與陳有故，不可倍。懷公乃以疾謝吳。四年，吳復召懷公，懷公恐如吳。吳怒其前不往，留之。因卒吳，陳乃立懷公之子越，是為湣公。索隱曰：按左傳，湣公名周，是史官記不也。湣公六年，孔子適陳。吳王夫差伐陳，取三邑而去。十三年，吳復來伐陳，陳告急楚。楚昭王來救，軍



於城父吳師去。是年楚昭王卒於城父時孔子在陳。  
索隱曰按孔子以魯定公十四年適陳當湣公之六年。上文說是此十三年孔子仍在陳。凡經八年何其久也。  
 十五年宋滅曹。十六年吳王夫差伐齊敗之艾陵。  
 使人召陳侯陳侯恐如吳楚伐陳。二十一年齊田常  
 弒其君簡公。二十三年楚之白公勝殺令尹子西子  
 綦襲惠王葉公攻敗白公。白公自殺。二十四年楚惠  
 王復國以兵北伐殺陳湣公遂滅陳而有之。是歲孔  
 子卒。

杞東樓公者夏后禹之後苗裔也。  
索隱曰杞國名也。東樓公諡號也。不

名者並史先失耳。宋忠曰杞今陳留雍丘縣故地理志云雍丘縣故杞國。周武王封禹後為東樓公是也。蓋周封杞而居雍丘。至春秋時杞已遷東國故左氏隱四年傳云莒人伐杞取牟婁。婁者東邑也。僖十四年傳云杞遷緣陵。地理志北平有營陵淳于公之縣。臣瓚云即春秋緣陵。淳于公所都之邑。又周國名杞後改國號曰州而稱淳于公。秋桓五年經云州公如曹。傳曰淳于公如曹是也。後代又稱于者以微小。又僻居東夷故襄二十六年經稱杞子來盟。傳曰書曰子賤之也。殷時或封或絕。周武王克殷紂求禹之後得東樓公封之於杞。以奉夏后氏。杞東樓公生西樓公。西樓公生題公。題公生謀娶公。  
徐廣曰謀一作謨。索隱曰娶子夷及。○子龍曰東樓西樓或所居地名。題謀娶或名字必非謚也。  
 謀娶公當周厲王時。謀娶公生武公。武公立



四十七年卒。子靖公立。靖公二十三年卒。子共公立。

共公八年卒。子德公立。徐廣曰：世本日惠公。○索隱曰：系本譙周並作惠公。又云

惠公生成公及桓公。是此系家脫成公一代。下云弟桓公姑容立。非也。且成公又見春秋經傳。故左氏莊

二十五年云：杞成公娶魯女。有婚姻之好。至僖二十二年卒。始赴而書。左傳云：成公也。未同盟。故不書。各

是杞有成公。必當如譙周所說也。德公十八年卒。弟桓公姑容立。徐廣曰：世本日惠公。立十八年生成公。及桓公十七年卒。

桓公成公立十八年。桓公立十七年。桓公十七年卒。

子孝公句立。索隱曰：句音蓋。孝公十七年卒。弟文公益姑立。

文公十四年卒。弟平公鬱立。索隱曰：一作郁。釐譙周云：名鬱來。蓋鬱郁釐來。

聲相近。遂平公十八年卒。子悼公成立。悼公十二年卒。

子隱公乞立。七月，隱公弟遂弑隱公自立。是為釐公。

釐公十九年卒。子湣公維立。湣公十五年。楚惠王

滅陳。十六年。湣公弟闕路弑湣公代立。是為哀公。索隱曰：闕音遏。哀公殺兄湣公。而立。謚哀。譙周二云：謚懿也。哀公立十年卒。湣公子欬

立。徐廣曰：欬一作速。是為出公。出公十二年卒。子簡公春立。

立一年。楚惠王之四十四年。滅杞。杞後陳亡三十四

年。杞小微。其事不足稱述。舜之後。周武王封之陳。至

楚惠王滅之。有世家言。禹之後。周武王封之杞。楚惠

王滅之。有世家言。契之後。為殷。殷有本紀言。殷破周

董份曰：按太史公重唐虞之際有功德之臣。故歷著其後裔。或為王。或為顯諸侯。見

有功德者  
之不泯也

史記

卷三十一

六

封其後於宋。齊潛王滅之。有世家言。后稷之後為周。秦昭王滅之。有本紀言。臯陶之後或封英六。索隱曰：本或作

蓼六皆通。然蓼六皆咎繇之後。據系本二國皆偃姓。故春秋文五年傳云：楚人滅六。滅文仲聞六與蓼滅。白臯陶庭堅。楚穆王滅之。無譜伯夷之後。至周武王不祀忽諸。

復封於齊。曰太公望。陳氏滅之。有世家言。伯翳之後。至周平王時封為秦。項羽滅之。有本紀言。索隱曰：秦祖伯翳解

者以翳益則為一人。今言十一人。殺伯翳而又別言垂益。則是二人也。且按舜本紀敘十人無翳。而有彭祖。彭祖亦墳典不載。未知太史公意如何。恐多是誤。然據秦本紀敘翳之功云：佐舜馴鳥獸。與舜典命盜作虞。若予上下草木鳥獸。文同。垂益夔龍。其後不則為一人。必矣。今未詳其所以。

知所封不見也。右十一人者。皆唐虞之際。名有功德

臣也。其五人之後皆至帝王。索隱曰：舜禹身為帝王。其稷契及翳則後代皆

為帝也。餘乃為顯諸侯。滕薛騶夏殷周之間封也。小不足齒。列弗論也。索隱曰：滕不知本封。蓋軒轅氏之子。叔繡于滕。故宋忠云：今沛國公丘是滕國也。薛奚仲

之後任姓。蓋夏殷所封。故春秋有滕侯薛侯。邾曹姓之國。陸終氏之子。會人之後邾國。今魯國騶縣是也。然三國微小。春秋時亦預會盟。蓋史缺無可敘列也。又許文叔大岳之胤。二邾曹姓之君。並通好諸侯。同盟大國。不宜全沒其事。亦可敘其本末。補許邾世家。

周武王時。侯伯尚千餘人。及幽厲之後。諸侯力攻相

并。江黃胡沈之屬。不可勝數。索隱曰：系本江黃二國。並嬴姓。又地理志：江國

史記

卷三十一

陳杞世家

一

史記

卷三十七

在汝南安陽縣故弗采著於傳上。

太史公曰舜之德可謂至矣禪位於夏而後世血食者歷三代及楚滅陳而田常得政於齊卒為建國百世不絕苗裔茲茲有土者不乏焉至禹於周則杞微甚不足數也楚惠王滅杞其後越王句踐興

索隱述贊曰盛德之祀必及百世舜禹餘烈陳杞是繼媯滿受封東樓纂世闕路篡逆夏姬淫嬖二國衰微或淪或替前并後虜皆亡楚惠句踐勃興田和吞噬蟬聯血食豈其苗裔

王蓋曰其後越王句踐興則禹之祀亦弗絕也

史記卷之三十七

史記卷之三十七

華亭

徐孚遠

測議

陳子龍

衛康叔世家第七

衛康叔名封

索隱曰康畿內國名宋忠曰康叔從康徙封衛衛卽殷墟定昌之地畿內之康

不知所周武王同母少弟也其次尚有冉季冉季最

少武王已克殷紂復以殷餘民封紂子武庚祿父比諸侯以奉其先祀勿絕為武庚未集索隱曰恐其有

賊心武王乃令其弟管叔蔡叔傅相武庚祿父以和

史記

卷三十七 衛康叔世家

一

其民。武王既崩，成王少，周公旦代成王治當國，管叔

蔡叔疑周公，乃與武庚祿父作亂，欲攻成周。索隱曰：成周，洛陽。

陽，其時周公相成王，營洛邑，猶居西周，鎬京，管蔡欲構難，先攻成周，於是周公東居洛邑，伐管蔡。周

公旦以成王命，興師伐殷，殺武庚祿父，管叔，放蔡叔。

以武庚餘民，封康叔為衛君，居河淇間，故商墟。周

公且懼康叔齒少，乃申告康叔曰：必求殷之賢人，君

子長者，問其先殷所以興，所以亡，而務愛民，告以紂

所以亡者，以淫於酒，酒之失，婦人是用，故紂之亂自

此始，為梓材。正義曰：若梓人為材，君子觀為法則也，梓，匠人也。示君子可法

則，故謂之康誥。酒誥梓材，以命之。康叔之國，既以此

命，能和集其民，民大說。成王長用事，舉康叔為周司

寇，賜衛寶祭器。左傳曰：分康叔以大路，大旂，少帛，精

帛，雜帛也，精，篋，大赤也，通帛為旂，析羽為旆，大呂，鍾名，鄭眾曰：精，篋，旆名也。以章有德。康

叔卒，子康伯代立。索隱曰：系本康伯名，髡，宋忠曰：即

傳所稱王孫牟父是也，牟，髡聲相近，故不同耳。譙，周古史考無康伯，而云子牟伯立，蓋以不宜父子俱謚

康，故因其名。康伯卒，子考伯立。考伯卒，子嗣伯立。嗣

伯卒，子廋伯立。史記音義曰：音捷。索隱曰：系本作擊伯。廋伯卒，子靖伯

立。靖伯卒，子貞伯立。索隱曰：系本作箕伯。貞伯卒，子頃侯立。頃

侯厚賂周夷王。夷王命衛為侯。索隱曰：康誥稱命爾侯于東土，又云孟侯，朕其弟小子封，則康叔初封已為侯也。比于康伯，即稱伯者，謂方伯之伯耳，非至子，即降爵為伯也。故孔安國曰：孟長也。五侯之長，謂方伯。方伯州牧也。故五代孫祖桓為方伯耳。至頃侯德衰，不監諸侯，乃從本爵而稱侯，非是。至子而削爵，頃侯立十二年卒。子釐及頃侯賂夷王而稱侯也。頃侯立十二年卒。子釐侯立。釐侯十三年，周厲王出奔于彘。共和行政焉。二十八年，周宣王立。四十二年，釐侯卒。太子共伯餘立為君。共伯弟和有寵於釐侯，多予之賂，和以其賂賂士，以襲攻共伯於墓上。共伯入釐侯羨自殺。索隱曰：羨音延。延，墓道。恭，衛人因葬之。釐侯旁謚曰共伯而立和為伯，各餘也。

衛侯是為武公。索隱曰：和，懿恭伯代立，此說蓋非也。按季札美康叔武公之德，又國語稱武公年九十五矣，猶箴誠于國，恭恪于朝，作抑自傲，至於沒身，謂之獻聖。又詩著衛世子恭伯早卒，不云被殺，若武公殺兄而立，豈可以為訓而形之。武公即位，修康叔之政，百姓和集。四十二年，犬戎殺周幽王。武公將兵往佐周平戎，甚有功。周平王命武公為公。五十五年卒。子莊公揚立。莊公五年，取齊女為夫人。好而無子，又取陳女為夫人。生子早死，陳女女弟亦幸於莊公，而生子完。索隱曰：女弟戴嬀也。于完為州吁所殺。戴嬀歸陳，詩燕燕于飛，是也。完母死，莊公令夫人齊女子之立為太子。索隱曰：子之謂也。

養之為子也。齊女即莊姜也。詩碩人篇閔之是也。莊公有寵妾生子州吁。十

八年。州吁長好兵。莊公使將石碯。諫莊公曰。石碯衛

上卿。庶子好兵。使將亂。自此起不聽。二十三年。莊公卒。

太子完立。是為桓公。桓公二年。弟州吁驕奢。桓公絀

之。州吁出犇。十三年。鄭伯弟段攻其兄。不勝亡。而州

吁求與之友。十六年。州吁收聚衛亡人。以襲殺桓公。

乎遠曰。州吁已出亡矣。而能以其餘衆襲破桓公。蓋國備疎也。州吁自立為衛君。為

鄭伯弟段欲伐鄭。請宋陳蔡與俱。三國皆許。州吁州

吁新立。好兵。弑桓公。衛人皆不愛。石碯乃因桓公母

冢於陳。詳為善。州吁至鄭郊。石碯與陳侯共謀。使右

宰醜進食。因殺州吁于濮。服虔曰。右宰醜。衛大夫。○索隱曰。賈逵云。濮。陳地。按

濮水有受河。又受汴。汴亦受河。東北至離狐。分為二。俱東北至鉅野。入濟。則濮在曹衛之間。賈言陳地非也。若據地理志。陳留封丘縣。濮水受沛。當言陳留水也。而迎桓公弟晉於邢。而


立之。賈逵曰。邢。周公之胤。姬姓國。是為宣公。宣公七年。魯弑其君

隱公。九年。宋督弑其君殤公。及孔父。十年。晉曲沃莊

伯弑其君哀侯。十八年。初。宣公愛夫人夷姜。夷姜生

子伋以為太子。而令右公子傅之。右公子為太子取

齊女。未入室。而宣公見所欲為太子婦者好。說而自



取之更爲太子取他女宣公得齊女生子壽子朔令

左公子傅之杜預曰左右媵之子因以爲號太子伋母死宣公正夫

人與朔共讒惡太子伋宣公自以其奪太子妻也心

惡太子欲廢之及聞其惡大怒乃使太子伋於齊而

令盜遮界上殺之正義曰左傳云衛宣公使太子伋之齊使盜待諸莘將殺之杜預云莘衛地與太子白旄而告界盜見持白旄者殺之且行

子朔之兄壽太子異母弟也知朔之惡太子而君欲

殺之乃謂太子曰界盜見太子白旄卽殺太子太子

可毋行太子曰逆父命求生不可遂行壽見太子不

止乃盜其白旄而先馳至界界盜見其驗卽殺之壽

已死而太子伋又至謂盜曰所當殺乃我也盜并殺

太子伋以報宣公宣公乃以子朔爲太子十九年宣

公卒太子朔立是爲惠公左右公子不平朔之立也

惠公四年左右公子怨惠公之讒殺前太子伋而代

立乃作亂攻惠公立太子伋之弟黔牟爲君惠公犇

齊衛君黔牟立八年齊襄公率諸侯奉王命共伐衛

納衛惠公誅左右公子衛君黔牟犇于周惠公復立

惠公立三年出亡亡八年復入與前通年凡十三年

許應元曰按左傳衛朔立四年出亡八年

復八通年  
十二此言  
十三年既  
與左傳不  
同又與上  
文年數不  
石

坤曰此  
又公極  
切處可

楊循吉日  
自宣公十  
八年至文  
公敘事極  
為詳密

矣二十五年惠公怨周之容舍黔牟

乎遠曰惠公以  
王命得復入國

而及怨周其薄已  
甚是以無後于衛

與燕伐周周惠王犇溫衛燕立惠

王弟頹為王二十九年鄭復納惠王三十一年惠公

卒子懿公赤立懿公即位好鶴

正義曰括地志云故  
鶴城在滑州匡城縣

西南十五里左傳云衛懿公好鶴有乘軒者狄伐衛  
公欲戰國人受甲者皆曰使鶴鶴實有祿位余焉能  
戰俗傳懿公養鶴淫樂奢侈九年翟伐衛衛懿公欲  
於此城因名也

發兵兵或畔大臣言曰君好鶴鶴可令擊翟於是遂

入殺懿公懿公之立也百姓大臣皆不服自懿公父

惠公朔之讒殺太子伋代立至于懿公常欲敗之卒

滅惠公之後而更立黔牟之弟昭伯頹之子申為君

是為戴公戴公申元年卒齊桓公以衛數亂乃率諸

侯伐翟為衛築楚丘

正義曰括地志云  
城武縣有楚丘亭

立戴公弟燬

為衛君

賈誼書曰衛侯朝于周周行人問其名答曰  
衛侯辟疆周行人還之曰啓疆辟疆天子之

號諸侯弗得用衛侯更  
其名曰燬然後受之

是為文公文公以亂故犇齊

齊人入之初翟殺懿公也衛人憐之思復立宣公前

死太子伋之後伋子又死而代伋死者子壽又無子

太子伋同母弟二人其一曰黔牟黔牟嘗代惠公為

君人年復去其二曰昭伯昭伯黔牟皆已前死故立

昭伯子申為戴公。戴公卒，復立其弟燬為文公。文公初立，輕賦平罪。索隱曰：輕賦，稅平斷刑也。身自勞與百姓同苦，以

收衛民。十六年，晉公子重耳過無禮。字遠曰：衛君賢者而不禮子晉

文，蓋以遷國之初，力行節儉，未遑外事也。○子龍曰：晉公子過衛，衛文公方有邢翟之虞，不能禮焉。外傳

所載甚明。十七年，齊桓公卒。二十五年，文公卒。子成公鄭

立。成公三年，晉欲假道於衛救宋，成公不許。晉更從

南河度。服虔曰：南河，濟南之東南流河也。杜預曰：從汲郡南度出衛南。救宋，徵師於

衛。衛大夫欲許，成公不肯。大夫元咺攻成公，成公出

犇。索隱曰：犇，索隱曰：犇，楚也。晉文公重耳伐衛，分其地予宋，討前過無

禮，及不救宋患也。衛成公遂出犇陳。索隱曰：左傳衛

出奔楚，遂適陳也。二歲如周求入，與晉文公會。晉使人鳩衛

成公，成公私於周王鳩，令薄得不死。索隱曰：按私已

而周為請晉文公，卒入之衛，而誅元咺。衛君瑕出犇

索隱曰：是元咺所立者，成公入而殺之，故僖三十年，經云：衛殺其大夫元咺及公子瑕。此言奔非也。七

年，晉文公卒。十二年，成公朝晉襄公。十四年，秦穆公

卒。二十六年，齊邠歃弒其君懿公。索隱曰：邠歃與左

邠戎者，蓋邠歃掌御戎車，故號邠戎。三十五年，成公卒。世本曰：成公徙

陽帝丘。子穆公遯立。正義曰：遯音速。穆公二年，楚莊王伐陳

殺夏徵舒三年。楚莊王圍鄭。鄭降。復釋之。十一年。孫

良夫救魯伐齊。復得侵地。穆公卒。子定公臧立。定公

十二年卒。子獻公衎立。獻公十三年。公令師曹教宮

妾鼓琴。賈逵曰。師曹樂人。妾不善。曹笞之。妾以幸惡曹於公。

公亦笞曹三百。十八年。獻公戒孫文子甯惠子食。皆

往。日旰不召。服虔曰。孫文子林父也。甯惠子甯殖也。救戒二子欲共晏食。皆服朝衣待命。旰

也。而去射鴻於囿。二子從之。服虔曰。從公於囿。公不釋射服

與之言。左傳曰。不釋皮冠。二子怒如宿。服虔曰。孫文子邑也。索隱曰。左傳作戚。

此亦音戚。孫文子子數侍公飲。左傳曰。文子使師曹歌巧

言之卒章。杜預曰。巧言詩小雅也。甚卒章曰。彼何人斯。居河之麋。無拳無勇。職爲亂階。公欲以

譬文子居河上而爲亂。師曹又怒公之嘗笞三百。乃歌之。欲以

怒孫文子報衛獻公。文子語蘧伯玉。伯玉曰。臣不知

也。賈逵曰。伯玉衛大夫。遂攻出獻公。獻公奔齊。齊置衛獻公於

聚邑。孫文子甯惠子共立。定公弟秋爲衛君。是爲殤

公。徐廣曰。班氏云。獻公弟焱。殤公秋立。封孫文子林父於宿。十二

年。甯喜與孫林父爭寵。相惡。殤公使甯喜攻孫林父。

林父奔晉。復求入故衛獻公。獻公在齊。齊景公聞之。

與衛獻公如晉。求入晉爲伐衛。誘與盟。衛殤公會晉

按此與吳世家異

平公。平公執殤公與甯喜。而復入衛。獻公。獻公亡在外十二年。而入獻公後元年。誅甯喜。三年。吳延陵季子使過衛。見蘧伯玉。史鱗曰。衛多君子。其國無故。過宿。孫林父為擊磬。曰不樂。音大悲。使衛亂。乃此矣。是年。獻公卒。子襄公惡立。襄公六年。楚靈王會諸侯。襄公稱病不往。九年。襄公卒。初。襄公有賤妾。幸之。有身。夢有人謂曰。我康叔也。令若子必有衛名。而子曰元。妾怪之。問孔成子。服虔曰。衛卿孔烝錡。成子曰。康叔者。衛祖也。及生子男也。以告襄公。襄公曰。天所置也。名之曰元。

襄公夫人無子。於是乃立元為嗣。是為靈公。靈公五年。朝晉昭公。六年。楚公子弃疾弑靈王。自立為平王。十一年。火。三十八年。孔子來。祿之如魯。後有隙。孔子去。後復來。三十九年。太子蒯聵與靈公夫人南子有惡。賈逵曰。南子。宋女。欲殺南子。蒯聵與其徒戲陽。邀謀。朝使殺夫人。賈逵曰。戲陽。太子家臣。戲陽後悔不果。蒯聵數目之。夫人覺之。懼呼曰。太子欲殺我。靈公怒。太子蒯聵奔宋。已而之晉。趙氏。四十二年。春。靈公游于郊。令子郢僕賈逵曰。郢。靈公少子也。字子南。靈公怨太子出。稱謂僕御也。

邵寶曰鄆有命於靈公何為不立也君薨於寢而嗣定焉禮也遊非其時也郊非其地也鄆其敢從諸如其時且地鄆亦從之矣是故鄆之辭禮也

然則無愧季札矣而不見稱於君子何哉禮之賢非鄆之所敢望也雖然仲尼論衛政而先正名君子以為必立鄆也其何稱如之

史記

卷三十一

九

鄆曰。我將立若為後。鄆對曰。鄆不足以辱社稷。君更圖之。服虔曰。鄆自謂已無德。不足以立。以汚辱社稷。夏靈公卒。夫人命子鄆

為太子。曰。此靈公命也。鄆曰。亡人太子蒯瞶之子。輒在也。不敢當。季遠曰。鄆知莊公之勇而求入。又至趙氏也。必將爭國。故不立。明於自審也。

於是衛乃以輒為君。是為出公。六月乙酉。趙簡子欲入蒯瞶。乃令陽虎詐命衛十餘人衰經歸。服虔曰。衰經為若從

衛來迎。簡子送蒯瞶。衛人聞之。發兵擊蒯瞶。蒯瞶不得入。入宿而保。衛人亦罷兵。出公輒四年。齊山乞弒其君孺子。八年。齊鮑子弒其君悼公。孔子自陳入衛

九年。孔文子問兵於仲尼。仲尼不對。其後魯迎仲尼。仲尼反魯。十二年。初。孔圉文子取太子蒯瞶之姊生

悝。孔氏之豎渾良夫美好。孔文子卒。良夫通於悝母。太子在宿。悝母使良夫於太子。太子與良夫言曰。苟

能入我國。報子以乘軒。免子三死。毋所與。與之盟。許以悝母為妻。閏月。良夫與太子入舍。孔氏之外圃。服虔曰。圃

曰。圃。昏二人蒙衣而乘。服虔曰。二人謂良夫太子蒙衣為婦人之服。以中蒙其頭。

而共宦者羅御。如孔氏。孔氏之老樂甯問之。服虔曰。稱也。宦者羅御。如孔氏。孔氏之老樂甯問之。家臣稱

老問其姓名。稱姻妾以告。賈逵曰。婚家妾也。遂入適伯姬氏。服虔曰。入

衛康叔世家

十

孔氏家適既食。悝母杖戈而先。服虔曰：先至孔悝所。太子與五

人介與豨從之。賈逵曰：介被甲也。與豨欲以盟。伯姬劫悝於廁。驅

盟之。遂劫以登臺。服虔曰：於衛臺。樂甯將飲酒。炙未

熟。聞亂，使告仲由。服虔曰：季路為孔。召護駕乘車。服

曰：召護衛大夫駕乘車。不行爵食炙。召季路乃行爵

食。奉出公輒犇魯。服虔曰：召護奉衛侯。仲由將入。遇子羔將出

賈逵曰：子羔衛大夫。高曰：門已閉矣。子路曰：吾姑至

矣。杜預曰：且。子羔曰：不及。莫踐其難。賈逵曰：言家臣

踐履。子路曰：食焉不辟其難。服虔曰：言食悝之祿。欲

也。子羔遂出。子路入及門。公孫敢監門曰：毋入為也。

服虔曰：公孫敢，衛大夫。子路曰：是公孫也。求利而逃

其難。由不然，利其祿，必救其患。有使者出。子路乃得

入。曰：太子焉用孔悝。字遠曰：莊公劫孔悝，以求入也。

廢立事矣。雖殺之，必或繼之。王肅曰：必有繼。且曰：太子無

勇若燔臺，必舍孔叔。太子聞之，懼下石乞孟厲敵子

路。服虔曰：二子崩。賈逵曰：臣敵當也。以戈擊之，割纓。子路曰：君子死冠

不免。服虔曰：不。使冠在地。結纓而死。正義曰：纓。孔子聞衛亂，曰

嗟乎！柴也其來乎。由也其死矣。孔悝竟立太子蒯聩。

已

是為莊公。莊公崩。曠者出。公父也。居外。怨大夫莫迎立。元年即位。欲盡誅大臣。曰：寡人居外久矣。子亦嘗

聞之乎？群臣欲作亂，乃止。二年，魯孔丘卒。三年，莊公

上城見戎州。索隱曰：左傳云：戎州人攻之是也。隱二

南有戎城，濟陽與衛近，故莊公登臺而望見戎州。曰：又七年云：戎生凡伯于楚丘，是戎與衛相近也。

戎虜何為是？戎州病之。十月，戎州告趙簡子。簡子圍

衛。十一月，莊公出犇。索隱曰：左傳莊公本出晉趙氏

莊公立公子般師。晉師退，莊公復入。般師出奔。初，公登城見戎州已氏之妻髮美，髡之，以為夫人髡。又欲

剪戎州兼逐石圃，故石圃攻莊公。莊公懼，踰北牆折殿，入已氏。已氏殺之，令系家不言。莊公復入及死。已

氏直云：出奔亦其疎也。又左傳云：衛復立般師，齊伐衛，立公子起，執般師。明年，衛石圃逐其君起，起奔齊。

出公輒復歸，是左氏詳而系家畧也。衛人立公子班師為衛君。左傳曰：班師襄

公之孫。齊伐衛，虜班師，更立公子起為衛君。服虔曰：起

衛君起元年。衛石曼專逐其君起。索隱曰：左傳作石

作曼姑專，或音姑。諸本多無曼字。起犇齊，衛出公輒自齊復歸立。初

出公立十二年亡。亡在外四年復入。出公後元年賞

從亡者立二十一年卒。索隱曰：按出公初立十二年

立二十一年，自即位至卒。出公季父黔攻出公子而

凡經二十五年而卒于越。自立是為悼公。悼公五年卒。索隱曰：紀年云：四年

敬公弗立。世本云敬公費也。敬公十九年卒。子昭公糾立。索隱曰：系本云敬公費也。

昭公六年，公子躄弑之。正義曰：躄音尾。代立。是為懷公。懷公

十一年，公子頹弑懷公而代立。是為慎公。慎公父公

子適。索隱曰：音的。系本適父敬公也。適父敬公也。慎公四十二年

卒。子聲公訓立。索隱曰：訓亦作馴。系本作聖公。聲公十一年卒。子

成侯速立。索隱曰：音速。系本作不。逝按上穆公已名速，不可成侯更名，則系本是也。成侯

十一年，公孫鞅入秦。索隱曰：秦本紀云：鞅入秦，又按年表成侯與秦，鞅

同年。然則十一年當為元年字誤耳。十六年，衛更貶號曰侯。二十九年

成侯卒。子平侯立。平侯八年卒。子嗣君立。索隱曰：樂資據紀年。

以嗣君即嗣君五年。更貶號曰君。獨有濮陽。四十二年卒。子懷君立。懷君三十一年，朝魏。魏囚殺懷君。魏

更立嗣君弟是為元君。元君為魏壻。故魏立之。徐廣曰：班氏云：元君者，懷君之弟。元君十四年，秦拔魏東地。秦初置東郡。

更徙衛野王縣而并濮陽為東郡。索隱曰：魏都大梁濮陽、黎陽並是魏郡名。東郡故立。二十五年，元君卒。子君角立。年表云：元君十一年。

秦置東郡。十二年，徙野王。二十二年卒。君角九年，秦

并天下。立為始皇帝。二十一年，二世廢君角為庶人。

黃震曰：按秦置東郡徙衛野王縣二世始廢君角為庶人而衛則諸國亡獨後於

衛絕祀字遠曰漢封周後為周子南君亦衛之苗裔也

太史公曰余讀世家言至於宣公之太子以婦見誅弟壽爭死以相讓此與晉太子申生不敢明驪姬之過同俱惡傷父之志然卒死平何其悲也或父子相殺兄弟相滅亦獨何哉

索隱述贊曰司寇受封梓材有作成錫厥器夷加其爵暨武能修從文始約詩美歸燕傳梓石階皮冠射鴻乘軒使鶴宜縱淫嬖壘生彼剝削曠得罪出公行惡衛解日衰失於君角

史記卷之三十七 終

史記卷之三十八

宋微子世家第八

微子開者殷帝乙之首子而紂之庶兄也

孔安國曰微畿內國

名子爵也為紂卿士○索隱曰微子啓今名開者避漢景帝諱也呂氏春秋云生微子時母猶為妾及為妃而生紂故微子為紂同母庶兄○孚遠曰因尚書殷王元子之言故呂氏遷就而為之說其定殷王元子不必元紂既立不明淫亂於政微子數諫紂不聽妃之子也

及祖伊以周西伯昌之修德滅阬阬國懼禍至徐廣曰阬

華亭

徐孚遠

測議

陳子龍

音者○索隱曰者即黎也孔安國云黎在上黨東北即今之黎亭

以告紂紂曰我生不有命在天乎是何能為於是微子度紂終不可諫

欲死之及去未能自決乃問於大師少師曰殷不有

治政不治四方孔安國曰大師三公箕子也少師孤卿比干也言殷不有治政四方之事

將必我祖遂陳於上馬融曰我祖湯也孔安國曰紂言湯遂其功陳力於上世也

沈湎於酒婦人是用亂敗湯德於下馬融曰下世也殷既

小大好草竊姦宄孔安國曰草野盜竊又為姦宄於外內卿士師師非

度馬融曰非但小人學為姦宄卿士已下轉相師效為非法度皆有罪辜乃無維

獲鄭玄曰獲得也羣臣皆有是罪其小民乃並與相爵祿又無常得之者言屢相攻奪

為敵仇孔安國曰卿士既亂而小民各起共為敵仇言不和小民今殷其典喪若

涉水無津涯徐廣曰一作涉水無舟航言危也殷遂喪越至于今馬融

曰越於也於是馬融曰重我其發出往

至矣於今到矣呼告之鄭玄曰發出也紂禍敗如此我其起作出往也吾家

○索隱曰往尚書作狂蓋亦今文尚書意異耳

係于喪徐廣曰一云於是家係駟按馬融曰卿大夫稱家今女無故告王肅曰無

意告我也是微子求教誨也子顛躋如之何其馬融曰躋猶墜也恐顛墜于非義當

如之何也大師若曰王子天篤下蕃亡殷國孔安國曰微子帝乙子故

曰王子天生紂為亂是下蕃也乃毋畏畏不用老長

鄭玄曰少師不答志在必死孔安國曰上不畏天蕃下不畏今殷民乃陋淫神祇

賢人違戾者老之長不用其教宋微子世家

陳仁錫曰叙國亂以下重呼太師少師語篤至而情慘迫

之祀。徐廣曰一云今殷民侵神犧又一云陋淫侵神祇今誠得治國國治身

死不恨為死終不得治不如去遂亡。箕子者馬融曰

也子紂親戚也索隱曰可馬彪曰箕子名胥餘馬融

爵也紂始為象箸索隱曰按下文云為象箸

子歎曰彼為象箸必為玉楮為楮則必思遠方珍怪

之物而御之矣與馬宮室之漸自此始不可振也紂

為淫泆箕子諫不聽人或曰可以去矣箕子曰為人

臣諫不聽而去是彰君之惡而自說於民吾不忍為

也乃被髮佯狂而為奴遂隱而鼓琴以自悲故傳之

曰箕子操風俗通義曰其道閉塞憂愁而作者命其

恨失意猶守禮義不懼不王子比干者亦紂之親戚

也見箕子諫不聽而為奴則曰君有過而不以死爭

則百姓何辜乃直言諫紂紂怒曰吾聞聖人之心有

七竅信有諸乎乃遂殺王子比干剗視其心微子曰

父子有骨肉而臣主以義屬故父有過子三諫不聽

則隨而號之人臣三諫不聽則其義可以去矣於是

太師少師乃勸微子去遂行。時比干已死而周武王

伐紂克殷微子乃持其祭器造於軍門肉袒面縛索

曰肉袒者袒而露肉也。面縛者縛手於背而面向前也。左牽羊。右把茅。膝行而

前以告。於是武王乃釋微子。復其位如故。乎遠曰武王既使微

子復位而立武庚。則是與武庚同在故都也。厥後武庚之叛。微子何以初無同異之迹。故知武王克商。微

子未嘗來歸也。武王封紂子武庚祿父。以續殷祀。使管叔蔡

叔傅相之。武王既克殷。訪問箕子。武王曰。於乎。維天

陰定下民。相和其居。孔安國曰天不言而默定下民助合其居使有常生之資也

我不知其常倫所序。孔安國曰言我不知天所以箕定民之常道也

子對曰。在昔鯀陞鴻水。汨陳其五行。孔安國曰陞塞汨亂也治水失

道。是亂。帝乃震怒。不從。鴻範九等。常倫所斁。徐廣曰一作禿

駟按鄭玄曰帝天也天以絲如是乃震動其威怒。不與天道大法九類。絲則極死禹乃

嗣興天。乃錫禹鴻範九等。常倫所序。孔安國曰天與禹洛出書也神

龜負文而出。列于背。有數至于九。禹遂因而第之。以成九類。初一曰五行二曰五

事。三曰八政。四曰五紀。五曰皇極。六曰三德。七曰稽

疑。八曰庶徵。九曰嚮用五福。畏用六極。馬融曰言天所以畏懼人

用六。五行。一曰水。二曰火。三曰木。四曰金。五曰土。鄭

曰此數本諸陰陽所生之次也水曰潤下。火曰炎上。孔安國曰言其

木曰曲直。孔安國曰木可揉使曲直也金曰從革。馬融曰金之性

土曰稼穡。王肅曰種之曰穡潤下作鹹。孔安國曰

水鹵所生炎

宋微子世家

四

上作苦

孔安國曰曲直作酸木實之性從革作辛

國曰金稼穡作其

孔安國曰其味生于百穀五行以下其子所陳五事一曰

貌二曰言三曰視四曰聽五曰思貌曰恭言曰從視

曰明聽曰聰思曰睿馬融曰睿通也恭作肅從作治明作智

聰作謀孔安國曰所謀必成審也睿作聖八政一曰食二曰貨三

曰祀四曰司空馬融曰司空掌營城郭王空士以居民五曰司徒孔安國曰

主徒衆教六曰司寇馬融曰王以居民七曰賓鄭玄曰掌諸侯朝覲之官

八曰師鄭玄曰掌軍旅之官五紀一曰歲二曰月三曰日四曰

星辰馬融曰星二十八宿辰日月之所會也鄭玄曰星五星也五曰歷數孔安國曰歷數

節氣之度以為皇極皇建其有極孔安國曰大中之道大立其有中謂

行九疇斂時五福用傳錫其庶民馬融曰當斂是五福之道用布與衆

民維其庶民于女極馬融曰以其能斂是五福故衆民于汝取中正以歸心也

錫女保極鄭玄曰又賜女凡厥庶民毋有淫朋人毋

有比德維皇作極凡厥庶民有猷有爲有守女則念

之馬融曰凡其衆民有所謀有所爲有所不協于極不離

于咎皇則受之孔安國曰凡民之行雖不合于中而不罹于咎惡皆可進用法受之

而安而色曰予所好德女則錫之福孔安國曰女當安女顏色以謙

下人人曰我所好者時人斯其維皇之極毋侮鰥寡

而畏高明馬融曰高明顯寵人之有能有為使羞其

行而國其昌王肅曰使進其行在凡厥正人既富方

穀孔安國曰正直之人既當爵女不能使有好於而

家時人斯其辜孔安國曰不能使正人有好于國于

其母好女雖錫之福其作女用咎鄭玄曰無好于女

謂為天子結怨于民毋偏毋頗遵王之義毋有作

好遵王之道毋有作惡遵王之路毋偏毋黨王道蕩

蕩孔安國曰毋黨毋偏王道平平毋反毋側王道正

直馬融曰反反道會其有極鄭玄曰謂君也當會聚

歸其有極鄭玄曰謂臣也當就曰王極之傳言馬融曰

者當盡極行之使是夷是訓于帝其順馬融曰是大

臣下布陳其言凡厥庶民極之傳言馬融曰亦盡極

用是教訓天下是順是行得中者則順而行之以近天子之光

也王肅曰民納言于上而天子作民父母以為天下

民言所以益天子之光曰天子作民父母以為天下

王王肅曰政教務中民善是用所三德一曰正直鄭

日中平二曰剛克三曰柔克鄭玄曰克能也剛而能

以成治平康正直孔安國曰世平疆不友剛克孔安

友順也世疆禦不內友柔克孔安國曰索隱曰沈漸

順以剛能治之宋徽子世家

剛克馬融曰沈陰也漸伏也陰伏之謀謂賊臣高明亂子非一朝一夕之漸君親無將將而誅

柔克馬融曰高明君維辟作福維辟作威維辟玉食子亦以德懷也

臣無有作福作威王食臣有作福作威王食其害于

而家凶于而國人用側頗辟民用僭忒稽疑擇建立

卜筮人孔安國曰考正疑事當選乃命卜筮曰雨曰

濟曰涕索隱曰涕音亦尚書作驛孔安國云氣駱驛

曰霧徐廣曰索隱曰霧音曰克曰貞曰悔凡七卜五

占之用二衍鄭玄曰卜五占之用謂兩濟圍霧克

也外卦曰悔悔之言晦也晦立時人為卜筮三人占

則從一人之言鄭玄曰從女則有大疑謀及女心謀

及卿士謀及庶人謀及卜筮孔安國曰先盡謀慮女

則從龜從筮從卿士從庶民從是之謂大同孔安國

於而身其康彊而子孫其逢吉孔安國曰動不違女

則從龜從筮從卿士逆庶民逆吉卿士從龜從筮從

女則逆庶民逆吉庶民從龜從筮從女則逆卿士逆

吉鄭玄曰此三者女則從龜從筮逆卿士逆庶民逆

作內吉作外凶鄭玄曰此逆者多以故舉龜筮共違

于人用靜吉用作凶庶徵曰雨曰暘曰異曰寒曰風

曰時。孔安國曰：雨以潤物，陽以乾物，燠以長物，寒以成物，風以動物，五者各以時，所以為衆驗。五

者來備，各以其序。庶草繁廡。孔安國曰：言五者備至，各以次序，則衆草木繁。

廡，滋一極備凶，一極亡凶。孔安國曰：一者備極，過甚則凶，一者極無不至，亦凶。

曰休徵。孔安國曰：敘美行之驗。曰肅時雨若。孔安國曰：君行敬則時雨順之。曰

治時暘若。孔安國曰：治則時暘順之。曰知時奧若。孔安國曰：君

順曰謀時寒若。孔安國曰：謀則時寒順之。曰聖時風若。孔安國曰：君能

通理則時曰咎徵。孔安國曰：敘惡行之驗也。曰狂常雨若。孔安國曰：君行

狂妄則常曰僭常暘若。孔安國曰：君行僭曰舒常奧

若。孔安國曰：君行逸曰急常寒若。孔安國曰：君行

霧常風若。孔安國曰：君行霧王肯維歲。馬融曰：言王

歲兼四卿士維月。孔安國曰：卿士各有師尹維日。孔

國曰：衆正官之吏分治也。歲日月時毋易。孔安國曰：百

穀用成，治用明，峻民用章，家用平康，日月歲時既易

百穀用不成，治用昏不明，峻民用微，家用不寧，庶民

維星。孔安國曰：星民象也。星有好風，星有好雨。馬融曰：

風畢星，日月之行有冬有夏。孔安國曰：日月之月之

從星，則以風雨。孔安國曰：月經于箕，則多風，離于畢

亂五福：一曰壽，二曰富，三曰康寧，鄭玄曰：康寧平安。四曰攸

宋徽子世家

好德。孔安國曰：所好者德，福之道。五曰考終命。孔安國曰：各成其短長之命，以自終。

不橫。六極：一曰凶短折。鄭玄曰：未離曰凶，未婚曰折。二曰疾。

三曰憂，四曰貧，五曰惡。孔安國曰：惡，醜陋也。六曰弱。鄭玄曰：愚

弱。於是武王乃封箕子於朝鮮。索隱曰：朝鮮，音潮，而

不臣也。其後箕子朝周，過故殷虛，感宮室毀壞，生禾

黍，箕子傷之，欲哭則不可，欲泣為其近婦人。索隱曰：婦人之

性多涕，乃作麥秀之詩以歌詠之。其詩曰：麥秀漸漸

兮，禾黍油油。索隱曰：漸漸，麥芒之狀，油，油者禾黍之苗光悅貌。彼狡僇兮，不

與我好兮，所謂狡童者紂也。殷民間之，皆為流涕。杜預

曰：梁國蒙縣有箕子冢。武王崩，成王少，周公旦代行政，當國管

蔡疑之，乃與武庚作亂，欲襲成王。周公徐廣曰：一云欲襲成周。

周公既承成王命，誅武庚，殺管叔，放蔡叔，乃命微子

開代殷後，奉其先祀，作微子之命，以申之。國于宋。世本

曰：宋更曰睢陽。微子故能仁賢，乃代武庚。故殷之餘民甚戴

愛之。辛遠曰：周穆殷遺民于洛邑三世，其風始革。國于宋者安，然無虞，非微子之德，蓋新故異也。

子龍曰：殷之頑民率在紂，微子開卒，立其弟衍，是為

微仲。禮記曰：微子舍其孫，膺而立衍也。鄭玄曰：微子適子死，立其弟衍，殷禮也。微仲卒，子

宋公稽立。索隱曰：譙周云：未謚故名之。宋公稽卒，子丁公申立。丁

公申率子潛公共立。潛公共卒。弟煬公熙立。煬公即

位。潛公子鮒祀弒煬公而自立。徐廣曰鮒一作鮒。索隱曰譙周亦作鮒。

祀據左氏即潛公庶子也。弒煬公欲立太子弗父何何讓不受。白我當立。是為厲公。

厲公卒。子釐公舉立。釐公十七年。周厲王出奔彘。二

十八年。釐公卒。子惠公黶立。呂忱曰黶音古覓反。惠公四年。周

宣王即位。三十年。惠公卒。子哀公立。哀公元年。卒。子

戴公立。戴公二十九年。周幽王為犬戎所殺。秦始列

為諸侯。三十四年。戴公卒。子武公司空立。武公生女

為魯惠公夫人。生魯桓公。十八年。武公卒。子宣公力

立。宣公有太子與夷。十九年。宣公病。讓其弟和曰。父

死。子繼。兄死。弟及。天下通義也。我其立和。和亦三讓

而受之。宣公卒。弟和立。是為穆公。穆公九年。病。召大

司馬孔父。謂曰。先君宣公舍太子與夷而立我。我不

敢忘。我死必立與夷也。孔父曰。群臣皆願立公子馮。

穆公曰。母立馮。吾不可以負宣公。於是穆公使馮出

居于鄭。八月庚辰。穆公卒。兄宣公子與夷立。是為殤

公。君子聞之曰。宋宣公可謂知人矣。立其弟以成義

然。卒其子復享之。殤公元年。衛公子州吁弒其君完

凌約言曰  
既詳敘宣  
公立弟顛  
末而又設  
為君子之  
言以結之  
此左氏法  
也

自立欲得諸侯使告於宋曰馮在鄭必為亂可與我  
 伐之宋許之與伐鄭至東門而還二年鄭伐宋以報  
 東門之役其後諸侯數來侵伐九年大司馬孔父嘉  
 妻好出道遇太宰華督服虔曰戴督執目而觀之服虔  
 曰目者極視精不轉也督利孔父妻乃使人宣言國中曰殤公  
 即位十年耳而十一戰賈逵曰一戰伐鄭圍其東門  
 二戰取其禾三戰取邾田四  
 戰邾鄭伐宋入其邾五戰伐鄭圍長葛六戰鄭以王  
 命伐宋七戰魯敗宋師于菅入戰宋衛入鄭九戰伐  
 戴十戰鄭入宋十一戰民苦不堪皆孔父為之我且  
 殺孔父以寧民是歲魯弑其君隱公十年華督攻殺

孔父取其妻殤公怒遂弑殤公而迎穆公子馮於鄭  
 而立之是為莊公莊公元年華督為相九年執鄭之  
 祭仲要以立突為鄭君祭仲許竟立突十九年莊公  
 卒子湣公捷立湣公七年齊桓公即位九年宋水魯  
 使臧文仲往弔水賈逵曰問  
 凶曰弔湣公自罪曰寡人以不  
 能事鬼神政不修故水臧文仲善此言此言乃公子  
 子魚教湣公也十年夏宋伐魯戰於乘丘徐廣曰乘  
 一作滕駟  
按杜預曰魯生虜宋南宮萬  
 賈逵曰南宮  
 氏萬名宋卿宋人請萬  
 萬歸宋十一年秋湣公與南宮萬獵因博爭行湣公

怒辱之曰始吾敬若今若魯虜也萬有力病此言遂以局殺潛公於蒙澤賈逵曰蒙澤宋澤名也大夫仇牧聞之以

兵造公門萬搏牧牧齒著門闔死何休曰因殺太宰

華督字遠曰華督弑君更立其于國重矣而制于一夫萬雖勇督亦寔疎乃更立公子

游為君諸公子犇蕭公子禦說犇毫服虔曰蕭毫宋邑也任預曰今

沛國有蕭縣蒙縣西北有毫城也萬弟南宮牛將兵圍毫冬蕭及宋

之諸公子其擊殺南宮牛弑宋新君游而立潛公弟

禦說是為桓公宋萬犇陳宋人請以賂陳陳人使婦

人飲之醇酒服虔曰宋萬多力勇不可執故先使人誘而飲之酒醉而縛之以革

裹之歸宋左傳曰以革裹之宋人醢萬也桓公二年諸侯伐

宋至郊而去三年齊桓公始霸二十三年迎衛公子

燬於齊立之是為衛文公文公女弟為桓公夫人秦

穆公即位三十年桓公病太子茲甫讓其庶兄目夷

為嗣桓公義太子意竟不聽三十一年春桓公卒太

子茲甫立是為襄公以其庶兄目夷為相未葬而齊

桓公會諸侯于葵丘襄公往會襄公七年宋地實星

如雨與雨俱下左傳曰隕石于宋五隕星也六鵲退蜚公羊傳曰

祭之則鵲徐祭之則退飛○索隱曰按僖十六年左傳實石于宋五實星也六鵲退飛過宋都是當宋襄

說苑曰宋桓公愛目夷為公愛之也請使目夷立臣為之相公不許強以請公將立目夷目夷

逃之衛  
茲父從  
之三年  
桓公有  
疾使人  
召茲父  
若不至  
是使我  
以憂死  
也茲父  
乃及公  
復立之  
以為太  
子然後  
日夷歸  
也

公之時訪內史叔興曰吉凶焉賈逵曰風起風疾也於遠至宋都

逢風却退八年齊桓公卒宋欲為盟會十二年春

宋襄公為鹿上之盟索隱曰按汝陰原鹿其地在楚

於鹿上是也然襄公求諸侯于楚楚纔許之未合以

至濟陰鹿上今濟陰乘氏縣北有鹿城蓋北地也

求諸侯於楚楚人許之公子目夷諫曰小國爭盟禍

也不聽秋諸侯會宋公盟于孟杜預曰孟宋地目夷曰禍其

在此乎君欲已甚何以堪之於是楚執宋襄公以伐

宋冬會于亳以釋宋公子魚曰禍猶未也十三年夏

宋伐鄭子魚曰禍在此矣秋楚伐宋以救鄭襄公將

戰于魚諫曰天之棄商久矣不可冬十一月襄公與

楚成王戰于泓穀梁傳曰戰于泓水之上楚人未濟目夷曰彼眾

我寡及其未濟擊之公不聽已濟未陳又曰可擊公

曰待其已陳陳成宋人擊之宋師大敗襄公傷股國

人皆怨公公曰君子不困人於阨不鼓不成列何休

法以鼓戰以金止不鼓不戰也不成列未成陳子魚曰兵以勝為功何常言

與必如公言即奴事之耳又何戰為楚成王已救鄭

鄭享之去而取鄭二姬以歸索隱曰謂鄭大夫羊氏

叔瞻曰成王無禮其不沒乎為禮卒于無別有

云二

叔瞻曰成王無禮其不沒乎為禮卒于無別有

宋微子世家

以知其不遂霸也。乎遠曰：以上楚事著。於宋傳失剛正也。是年，晉公子

重耳過宋，襄公以傷於楚，欲得晉援，厚禮重耳，以馬

二十乘。服虔曰：八十四匹。十四年夏，襄公病傷於泓而竟卒。索隱

曰：春秋戰于泓，在僖二十三年，重耳過宋，及襄公卒，在二十四年，今此文以重耳過與傷泓共歲，故云是

年又重耳過與宋襄公卒共是一歲，則不合更云：十四年，是進退俱不合于左氏，蓋太史公之疎耳。子

成公王臣立。成公元年，晉文公即位。三年，倍楚盟，親

晉，以有德於文公也。四年，楚成王伐宋，宋告急於晉

五年，晉文公救宋，楚兵去。九年，晉文公卒。十一年，楚

太子商臣弒其父成王，代立。十六年，秦穆公卒。十七

年，成公卒。正義曰：年表云：公孫固殺成公。成公弟禦殺太子及大司

馬公孫固。正義曰：世本云：宋莊公孫名固，為大司馬。而自立為君。宋人共

殺君禦，而立成公少子杵臼。正義曰：年表云：宋昭元

曰：一云成公少子。是為昭公。昭公四年，宋敗長翟緣斯於長

丘。魯世家云：宋武公之世，獲緣斯于長丘，今云此時未詳。○索隱曰：春秋文公十一年，魯敗翟於咸，獲

長狄緣斯於長丘，齊系家惠公二年，長翟來于城，獲

父攻殺之，此並取左傳之說，散於諸國系家，今考其

年歲亦頗相協，而魯系家云：武公此杵臼當亦謚武也。昭

七年，楚莊王即位。九年，昭公無道，國人不附。昭公弟

鮑革，徐廣曰：一無革字。賢而下士。先襄公夫人欲通於公子

余有丁曰：左傳載武公獲緣斯在春秋前，魯世家語是此云昭公誤也。索隱率合以昭亦謚武，曲說不通。

鮑不可服虔曰襄公夫人周襄王之乃助之施於國

正義曰襄夫人助公子因大夫華元為右師正義曰

鮑布施恩惠于國人也昭公出獵夫人王姬使

元鮑因請得為右師華元戴昭公出獵夫人王姬使

公五代孫華督之曾孫也衛伯攻殺昭公杵臼弟鮑革立是為文公文公元年

子鮑以晉率諸侯伐宋責以弑君聞文公定立乃去二年昭

大夫華元為右公子因文公母弟須與武繆戴莊桓之族為亂文公

師云云盡誅之出武繆之族賈逵曰四年秦鄭命楚伐宋宋

元為右使華元將鄭敗宋囚華元華元之將戰殺羊以食士

不願其御羊羹不及左傳曰御故怨馳入鄭軍故宋師敗

云鄭公得囚華元不以兵車百乘文馬四百匹正義曰按文

子歸生受命於馬四百匹用牽車百乘遺鄭贖華元贖華元未盡入

楚伐宋也又云文馬赤鬃編身目如黃金贖華元未盡入

命伐宋華元亡歸宋乎遠曰華元疑鄭有變十四年楚莊王

楚伐宋圍鄭鄭伯降楚楚復釋之十六年楚使過宋宋有前

仇執楚使九月楚莊王圍宋十七年楚以圍宋五月

不解宋城中急無食華元乃夜私見楚將子及子及

告莊王王問城中何如曰析骨而炊何休曰析易子

而食莊王曰誠哉言我軍亦有二日糧以信故遂罷

兵去乎遠曰不言華元與子及盟二十二年文公卒

而言楚王自罷師所傳異也

宋微子世家

史記

宋微子世家

宋微子世家

宋微子世家

宋微子世家

子共公瑕立始厚葬君子譏華元不臣矣共公元年

華元善楚將子重又善晉將欒書兩盟晉楚乎遠曰在左傳

向戌之事也此言華元為誤○子龍曰宋共公之元

年為魯成公之二年傳無兩盟晉楚之事是時鄭方

黨楚晉宋同伐鄭其明年華元始聘魯卒華元為右師魚石為左師司馬唐山攻殺太子肥

欲殺華元華元犇晉魚石止之至河乃還皇覽曰華元家在陳

留小黃縣城北誅唐山乃立共公少子成是為平公左傳曰魚石犇

楚平公三年楚共王拔宋之彭城以封宋左師魚石

四年諸侯共誅魚石而歸彭城於宋三十五年楚公

子圍弑其君自立為靈王子龍曰向戌之盟南北二

時史四十四年平公卒子元公佐立元公三年楚公

子棄疾弑靈王自立為平王八年宋火十年元公毋

信詐殺諸公子大夫華向氏作亂楚平王太子建來

犇見諸華氏相攻亂建去如鄭十五年元公為魯昭

公避季氏居外為之求入魯行道卒子景公頭曼立

索隱曰按曼立音萬景公十六年魯陽虎來犇已復去二十五

年孔子過宋宋司馬桓魋惡之欲殺孔子孔子微服

去三十年曹倍宋又倍晉宋伐曹晉不救遂滅曹有

之正義曰宋景公滅曹在魯哀公八年周敬王三十三年也三十六年齊田常弑

簡公三十七年楚惠王滅陳樊惑守心心宋之分野

也景公憂之司星子韋曰可移於相景公曰相吾之

股肱曰可移於民景公曰君者待民曰可移於歲景

公曰歲饑民困吾誰為君子韋曰天高聽卑君有君

人之言三樊惑宜有動於是候之果徙三度六十四

年景公卒宋公子特攻殺太子而自立是為昭公索隱

曰特一作得按左傳景公無子取元公庶會孫公孫

周之子得及啓畜于公宮及景公孫先立啓後立得

是為昭公與此全乘未昭公者元公之曾庶孫也昭

公父公孫糾糾父公子禘徐廣曰禘音端禘秦即元公少

子也景公殺昭公父糾索隱曰左傳云名周故昭公怨殺太子

而自立昭公四十七年卒子悼公購由立年表云四十九年

悼公八年卒索隱曰紀年為十八年子休公田立休公田二十

三年卒子辟公辟兵立徐廣曰一云辟公兵○索隱曰紀年作桓侯璧兵則璧兵

也謚桓也辟公三年卒子剔成立索隱曰王邵按紀年云宋剔成肝廢其君璧而

自立剔成四十一年剔成弟偃攻襲剔成剔成敗奔齊

偃自立為宋君君偃十一年自立為王索隱曰戰國策呂氏春秋

皆以偃謚曰康王東敗齊取五城南敗楚取地三百里西敗

魏軍乃與齊魏為敵國盛血以韋囊縣而射之命曰射天淫於酒婦人羣臣諫者輒射之於是諸侯皆曰

祭宋索隱曰晉太康地記言其似祭也宋其復為紂所為不可不許

告齊伐宋王偃立四十七年齊潛王與魏楚伐宋殺

王偃遂滅宋而三分其地年表云偃立四十四年

太史公曰孔子稱微子去之箕子為之奴比干諫而

死殷有三仁焉春秋譏宋之亂自宣公廢太子而立

弟公羊傳曰君子大居正宋之禍宣公為之也國以不寧者十世索隱曰公羊春秋

立弟殷制也宋之立弟行古之道不得訊其釀亂襄

公之時修行仁義欲為盟主其大夫正考父美之故

追道契湯高宗殷所以興作商頌韓詩商頌章句亦美襄公○索隱曰

今按毛詩商頌序云正考父周之太師得商頌十

二篇以那為首國語亦同此說今五篇存皆是商家

祭祀樂章非考父追作也又考父佐戴武宣則襄公

在襄公前且百許歲安得述而美之斯謬說耳襄公

既敗於泓而君子或以為多傷中國闕禮義褒之也

索隱曰襄公臨大事不忘大禮而君子或以為多且傷中國之亂闕禮義之舉遂不嘉宋襄之盛德太史

故云褒之也宋襄之有禮讓也索隱述贊曰殷有三仁微箕紂親一囚一去不顧其身頌美有客書稱作賓卒傳冢嗣或敘舜倫微仲之後世載忠勤穆亦能讓實為知人傷泓之役有君無臣偃號祭宋天之棄殷

沒約言曰言君子多求兼于泓之敗乃傷中國闕禮義故多而褒之也且以其能讓庶兄目夷為嗣也

王整曰太史公作宋世家而首三仁所宗孔子之言亦



禮懽曰天子之弟出封自是周家嘗與特地定于唐故史佚因而成之耳

子名虞。余與之唐。及生子。文在其手曰虞。故遂因命

之曰虞。武王崩。成王立。唐有亂。正義曰。括地志云。故唐城在絳州翼城縣

西二十里。卽堯裔子所封。春秋云。夏孔甲時有堯苗裔劉累者。以豢龍事孔甲。夏后嘉之。賜氏御龍。以豸

豸。韋之後。龍一雌。歿。潛醢之。以食夏后。既而使求之。懼而遷於魯縣。夏后召孟別封劉累之孫于大夏之

墟。爲侯。至周成王時。唐人作亂。成王滅之。而封大叔更遷唐人于杜。謂之杜伯。卽范丐所云在周爲杜唐

氏。周公誅滅唐。成王與叔虞戲。削桐葉爲珪。以與叔

虞。曰。以此封若。史佚因請擇日立叔虞。成王曰。吾與

之戲耳。史佚曰。天子無戲言。言則史書之。禮成之。樂

歌之。於是遂封叔虞於唐。唐在河汾之東方百里。故

曰唐叔虞。正義曰。括地志云。故鄂城在慈州昌寧縣東二里。按與絳州夏縣相近。禹都安邑。故

城在縣東北十五里。故云在大夏也。然封于河汾二水之東方百里。正合在晉州平陽縣。不合在鄂。未詳

也。姓姬氏。字子于。唐叔子燮。是爲晉侯。正義曰。括地志云。故唐城

在并州晉陽縣北二里。城記云。堯築也。國都城記云。唐叔虞之子燮。父徙居晉水傍。今并理。故唐城卽燮

父所徙之處。晉侯子寧族。是爲武侯。索隱曰。系本作曼。期。譙周作曼旗也。武

侯之子服人。是爲成侯。成侯子福。是爲厲侯。索隱曰。系本作

字。厲侯之子宜白。是爲靖侯。靖侯已來。年紀可推。自

唐叔至靖侯五世。無其年數。靖侯十七年。周厲王逃

惑暴虐。國人作亂。厲王出奔于彘。大臣行政。故曰共

和十八年靖侯卒。子釐侯司徒立。釐侯十四年周宣

王初立。十八年釐侯卒。子獻侯籍立。索隱曰：系本及譙周皆作蘇。

獻侯十一年卒。子穆侯費王立。索隱曰：鄒誕本作弗生，或作潰王，並音秘。

穆侯四年取齊女姜氏為夫人。七年伐條。生太子仇

杜預曰：十年伐千畝有功。杜預曰：西河界休縣南有地名千畝。生少子

名曰成師。杜預曰：意取能成其眾也。晉人師服曰：賈逵曰：異哉君

之命子也。太子曰仇。仇者讐也。少子曰成師。成師大

號成之者也。名自命也。物自定也。今適庶名反逆。此

後晉其能毋亂乎。二十七年穆侯卒。弟殤叔自立。

子仇出奔。殤叔三年周宣王崩。四年穆侯太子仇率

其徒襲殤叔而立。是為文侯。文侯十年周幽王無道

犬戎殺幽王。周東徙而秦襄公始列為諸侯。三十五

年文侯仇卒。孚遠曰：周室東遷晉鄭是依，蓋言文侯能翼周也。故受王命，史記不及，亦為疎

累。子昭侯伯立。昭侯元年封文侯弟成師于曲沃。索隱

曰：河東之縣名。漢武帝改曰聞喜也。曲沃邑大於翼翼晉君都邑也。索隱

曰：翼翼本晉都。自孝侯已下，一號翼侯。平陽絳邑縣東翼城是也。成師封曲沃，號為桓

叔。靖侯庶孫欒賓。正義曰：世本云：欒叔賓父也。相桓叔。桓叔是時

年五十八矣。好德，晉國之眾皆附焉。君子曰：晉之亂

固本遽替也。其後曲沃之封在昭侯之世，師服之言防微慮漸，始切事情，故後入服其先見併記其初名之言云。

金履祥曰：按師服初意蓋防奪曲之漸耳。此即文侯之日受平

其在曲沃矣。末大於本。而得民心。不亂何待。七年。晉大臣潘父弑其君昭侯。而迎曲沃桓叔。桓叔欲入晉。晉人發兵攻桓叔。桓叔敗還。歸曲沃。晉人共立昭侯。子平為君。是為孝侯。誅潘父。孝侯八年。曲沃桓叔卒。子鱣代桓叔。是為曲沃莊伯。索隱曰。鱣音時。戰反。又音善。五年。曲沃莊伯弑其君晉季侯于翼。晉人攻曲沃莊伯。莊伯復入曲沃。晉人復立季侯子郟為君。是為鄂侯。索隱曰。系本作郟。而他本亦作都。鄂侯二年。魯隱公初立。鄂侯六年卒。曲沃莊伯聞晉鄂侯卒。乃興兵伐晉。周平王使

虢公將兵伐曲沃莊伯。莊伯走保曲沃。晉人共立鄂侯子光。是為哀侯。哀侯二年。曲沃莊伯卒。子稱代莊伯立。是為曲沃武公。哀侯六年。魯弑其君隱公。哀侯八年。晉侵脛廷。賈逵曰。翼南鄙邑名。脛廷與曲沃武公謀。九年。伐晉于汾。劫。正義曰。汾水之劫。虜哀侯。晉人乃立哀侯子小子為君。是為小子侯。禮記曰。天子未除。來曰。余小子。生名之。或亦名之。鄭玄曰。晉有小子侯。是取之天子也。小子元年。曲沃武公使韓萬殺所虜晉哀侯。賈逵曰。韓萬。曲沃桓叔之子。莊伯弟。曲沃益疆。晉無如之。何。晉小子之四年。曲沃武公誘召晉小子殺之。周桓王使虢

之象曰  
計敘武  
公代晉之  
而于此  
與能敘亦  
也

仲伐曲沃武公。武公入于曲沃，乃立晉哀侯弟緡為  
晉侯。晉侯緡四年，宋執鄭祭仲而立突為鄭君。晉侯  
十九年，齊人管至父弑其君襄公。晉侯二十八年，齊  
桓公始霸。曲沃武公伐晉侯緡滅之，盡以其寶器賂  
獻于周釐王。釐王命曲沃武公為晉君，列為諸侯。遠  
日齊桓始霸而曲沃伐晉蓋齊之力不能相及於是也。○子龍曰齊兵力始終不及晉晉亦不與盟。於是  
盡併晉地而有之。曲沃武公已即位三十七年矣。更  
號曰晉武公。晉武公始都晉國。前即位曲沃通年三  
十有八年。武公稱者先晉穆侯曾孫也。索隱曰晉有  
兩穆侯言先

金履祥曰  
按晉自曲  
沃桓叔莊  
伯奪宗故  
其子孫亦  
忌宗族之

以別後也。曲沃桓叔孫也。桓叔者始封曲沃。武公莊伯子  
也。自桓叔初封曲沃以至武公滅晉也。凡六十七歲  
而卒代晉為諸侯。武公代晉二歲卒。與曲沃通年即  
位。凡三十九年而卒。子獻公詭諸立。獻公元年，周惠  
王弟頹攻惠王，惠王出奔，居鄭之櫟。邑。索隱曰櫟鄭  
邑今河南夏  
翟是也故鄭之十五年，伐驪戎，得驪姬。韋昭曰西戎  
之別在驪山  
也。驪姬弟俱愛幸之。八年，士蔿說公。賈逵曰士蔿  
蔿晉大夫曰：故  
晉之羣公子多，不誅亂且起。乃使盡殺諸公子，而城  
聚都之。賈逵曰聚晉邑命曰絳，始都絳。索隱曰春秋莊二十  
六年，傅士蔿城絳是

而殺之  
無子遺矣  
是亦可為  
世鑒哉

史記

卷三十九

五

也。杜預曰：今平陽絳邑縣。九年，晉羣公子既亡，奔號。

號以其故，再伐晉，弗克。十年，晉欲伐號，士為曰：且待

其亂。十二年，驪姬生奚齊，獻公有意廢太子，乃曰：曲

沃，吾先祖宗廟所在，而蒲邊秦，屈邊翟。

韋昭曰：蒲，今蒲坂，屈，北屈。

皆在河東。杜預曰：蒲，今平陽蒲子縣是也。不使諸子居之，我懼焉。於是使

太子申生居曲沃，公子重耳居蒲，公子夷吾居屈。獻

公與驪姬子奚齊居絳。晉國以此知太子不立也。太

子申生，其母齊桓公女也，曰齊姜。早歿，申生同母女

弟為秦穆公夫人。子龍曰：左傳但言烝于齊姜，不言姜為桓公女，又云生秦穆夫人及

太子申生則穆夫人非申生女弟也。重耳，母翟之狐氏女也。夷吾，母重

耳母女弟也。獻公子八人，而太子申生、重耳、夷吾皆

有賢行，及得驪姬，乃遠此三子。十六年，晉獻公作二

軍。左傳曰：王使虢公命曲沃伯，以一軍為晉侯，今始為二軍。公將上軍，太子申生

將下軍。趙夙御戎，畢萬為右。伐滅霍，滅魏，滅耿。服虔曰：三

國皆姬姓，魏在晉之蒲坂，河東也。杜預曰：平陽皮氏縣東南有耿鄉，永安縣東北有霍太山也。○索隱曰：

按永安縣西南汾水西有霍城，古霍國，有霍水出霍太山，地里志：河東非縣，古魏國地，記亦以為然。服虔

云：在蒲坂，非也。地記又曰：皮氏，還為太子城，曲沃，賜縣汾水南耿城，是故耿國也。

趙夙、耿賜畢萬，魏以為大夫。士為曰：太子不得立矣。

按月晉  
獻公作  
二軍至  
佩之金  
或用左  
傳文

史記

卷三十九 晉世家

六

分之都城。服虔曰：邑有先君之至曰都。而位以卿。賈逵曰：謂將下軍也。先為

之極。服虔曰：言其祿位極盡於此也。又安得立，不如逃之。無使罪至

為吳太伯，不亦可乎？猶有令名。王肅曰：雖去猶可有令名。太子不

從，卜偃曰：畢萬之後必大。賈逵曰：卜偃晉掌卜大夫，郭偃萬盈數也。

魏大名也。服虔曰：數從一至萬為滿。魏喻巍巍高大也。以是始賞，天開之

矣。天子曰：兆民諸侯曰：萬民。今命之大，以從盈數，其

必有眾。杜預曰：以魏從萬有眾多之象。初，畢萬卜仕於晉國，遇屯之

比。賈逵曰：震下坎土屯，坤下坎上比。屯初九變之比。辛廖吉之曰：吉。賈逵曰：辛廖晉

大夫，屯固比入，吉孰大焉。杜預曰：屯險難也，所以為堅固，比親密，所以得入。

後必蕃昌。十七年，晉侯使太子申生伐東山。賈逵曰：東山，赤狄別

種，里克諫，獻公曰：賈逵曰：里克，晉卿里季也。太子奉冢祀社稷

之粢，盛以朝夕視君膳者也。服虔曰：廚膳飲食。故曰冢子，君

行則守，有守則從。服虔曰：有伐太子守則從之。從曰撫軍。服虔曰：助君撫

循軍，守曰監國，古之制也。夫率師專行謀也。杜預曰：率師者

必專謀，誓軍旅。杜預曰：宣號令。君與國政之所圖也。賈逵曰：國政正

也。非太子之事也。師在制命而已。杜預曰：命將軍所制。稟命則

不威，專命則不孝。故君之嗣適，不可以帥師。君失其

官。杜預曰：太子統師是失其官也。率師不威，將安用之。杜預曰：專命則不孝，是謂

師必不威也公曰寡人有子。未知其太子誰立。里克不對

而退。見太子。太子曰。吾其廢乎。里克曰。太子勉之。教

以軍旅。賈逵曰。將下軍。不共是懼。何故廢乎。且子懼不孝。母

懼不得立。服虔曰。不也。修已而不責人。則免於難。太子

帥師。公衣之偏衣。服虔曰。偏。繫之衣。偏異色。駮不純。繫在中。左右異。故曰偏衣。杜預曰。

偏衣。左右異色。其半似公服。佩之金玦。服虔曰。以金為玦也。里克謝病。不從

太子。太子遂伐東山。十九年。獻公曰。始吾先君莊伯

武公之誅晉亂。而虢常助晉伐我。正義曰。言虢助晉伐曲沃也。又

匿晉亡公子。果為亂。弗誅。後遺子孫憂。乃使荀息以

屈產之乘。何休曰。屈產。出名馬之地。乘。備駟也。假道於虞。虞假道。遂伐

虢。賈逵曰。虞在晉南。虢在虞南。取其下陽以歸。服虔曰。下。夏陽。虢

十里。穀梁傳曰。下陽。虞虢之塞邑。獻公私謂驪姬曰。吾欲廢太子。以

奚齊代之。驪姬泣曰。太子之立。諸侯皆已知之。而數

將兵。百姓附之。奈何以賤妾之故。廢適立庶。君必行

之。妾自殺也。驪姬詳譽太子。而陰令人譖惡太子。而

欲立其子。二十一年。驪姬謂太子曰。君夢見齊姜。太

子速祭曲沃。服虔曰。齊姜廟所在。歸釐於君。太子於是祭其母

齊姜於曲沃。上其薦胙於獻公。獻公時出獵。置胙於

宮中。驪姬使人置毒藥胙中。居二日。索隱曰。傳云六日也。○季遠曰。

或曰毒藥。經曰則解。傳言六日者。明其誣也。獻公從獵來還。宰人上胙。獻

公。獻公欲饗之。驪姬從旁止之。曰。胙所從來遠。宜試

之。祭地。地墳。韋昭曰。將飲先祭。與犬犬歿。與小臣小

臣歿。韋昭曰。小臣官名。今闕士也。驪姬泣曰。太子何忍也。其父

而欲弑代之。况他人乎。且君老矣。旦暮之人。曾不能

待而欲弑之。謂獻公曰。太子所以然者。不過以妾及

奚齊之故。妾願子毋碎之他國。若蚤自殺。毋徒使母

子為太子所魚肉也。始君欲廢之。妾猶恨之。至於今

妾妹自失於此。索隱曰。太子之行如此。妾前見君。太

子聞之。奔新城。韋昭曰。新城。曲沃也。新為太子城。獻公怒。乃誅其傅

杜原款。或謂太子曰。為此藥者。乃驪姬也。太子何不

自辭明之。太子曰。吾君老矣。非驪姬。寢不安。食不甘。

即辭之。君且怒之。不可。季遠曰。君既許殺太子矣。豈

明獻公之惑志也。此其純孝也。或謂太子曰。可奔他國。太子曰。被此

惡名以出。人誰內我。我自殺耳。十二月戊申。申生自

殺於新城。此時重耳夷吾來朝。人或告驪姬曰。二公

子怨驪姬。請殺太子。驪姬恐。因請二公子。申生之藥

殺耳。所以深激獻公。

崔銑曰。獻公必殺申生矣。申生如被惡名。

以出。獻公猶欲甘心焉。為宋馮之受伐為

長萬之賂。復父惡愈。者身必為迎孰若受

抑自裁之  
亦且安乎  
大反常之  
胸辭難明  
也快心之  
忍情難什  
也世子之  
應審矣其  
心純乎仁  
不可以輕  
言也

史記

卷三十一

九

昨二公子知之。二子聞之恐。重耳走蒲。夷吾走屈。保

其城自備守。初獻公使士蔿為二公子築蒲屈城。弗

就。乎遠曰左傳曰置薪焉蓋夷吾以告公。公怒。士蔿

士蔿謝曰。邊城少寇。安之。退而歌曰。狐裘蒙茸。一國

三公。吾誰適從。服虔曰蒙茸以言亂貌三公言卒就

城。及申生歿。二子亦歸。保其城。二十二年。獻公怒二

子不辭而去。果有謀矣。乃使兵伐蒲。蒲人之宦者勃

鞮。正義曰伯楚寺人勃之字命重耳促自殺。重耳踰

垣。宦者追斬其衣袪。服虔曰重耳遂奔翟。使人伐屈。

屈城守不可下。是歲也。晉復假道於虞。以伐虢。虞之

大夫宮之奇諫。虞君曰。晉不可假道也。是且滅虞。虞

君曰。晉我同姓。不宜伐我。宮之奇曰。太伯虞仲太王

之子也。太伯亡去。是以不嗣。虢仲虢叔。王季之子也。

為文王卿士。其記勳在王室。藏於盟府。杜預曰盟府

將虢是滅。何愛于虞。且虞之親。能親於桓莊之族乎。

桓莊之族。何罪。盡滅之。子龍曰曷不引三公子而此

之得罪乎。虞之與虢。唇之與齒。唇亡則齒寒。虞公不聽。遂

許晉。宮之奇以其族去。虞。其冬。晉滅虢。虢公醜奔周。

晉世家

皇覽曰。號公冢在河內溫縣郭東。濟還襲滅虞虜虞

水南大冢是也。其城南有號公臺。

公及其大夫井伯百里奚。正義曰。南雍州記云。百里奚。宋井伯宛人也。以

媵秦穆姬。杜預曰。穆姬獻公女。送女曰媵。以屈辱之。而修虞祀。服虔曰。虞所祭祀命

也。荀息牽曩所遺虞屈產之乘馬奉之。獻公笑

曰。馬則吾馬。齒亦老矣。公羊傳曰。蓋戲之也。二十三年。獻公遂

發賈華等伐屈。賈逵曰。賈華。屈潰。正義曰。民逃。其上也。潰。夷吾

將奔翟。冀芮曰不可。韋昭曰。冀。重耳已在矣。今往晉

必移兵伐翟。翟畏晉。禍且及。不如走梁。梁近於秦。遠

曰。秦既強國。又穆姬在焉。必將擁之。驪姬使人釋言。秦彊吾君不敢遲志也。故居二年。而驪姬使人釋言。秦彊吾君

百歲後。可以求入焉。遂奔梁。二十五年。晉伐翟。翟以

重耳故。亦擊晉於齧桑。索隱曰。裴氏云。左傳作采桑。按今平陽曲南七十里。河水

有采桑津。是晉境。服虔云。翟地亦頗相近。然字作齧桑。齧桑。衛地。恐非也。晉兵解而去。當

此時。晉疆西有河西。與秦接境。北邊翟。東至河內。索隱

曰。河內。河曲也。內音納。驪姬弟生倓子。索隱曰。左傳作卓子。弟。女弟也。二十六

年。夏。齊桓公大會諸侯於葵丘。正義曰。在曹州考城縣東南一里。晉

獻公病。行後未至。逢周之宰孔。宰孔曰。齊桓公益驕

不務德而務遠略。諸侯弗平。君第毋會。索隱曰。母如第。但也。毋如

晉何。獻公亦病。復還歸。病甚。乃謂荀息曰。吾以奚齊

為後年少諸大臣不服恐亂起子能立之乎荀息曰能獻公曰何以為驗對曰使死者復生生者不慙謂之驗於是遂屬奚齊於荀息荀息為相主國政秋九月獻公卒里克邳鄭欲內重耳以三公之子之徒作亂賈逵曰邳鄭晉大夫三謂荀息曰三怨將起秦晉輔公子申生重耳夷吾也之子將何如荀息曰吾不可負先君言十月里克殺奚齊于喪次獻公未葬也荀息將歿之或曰不如立奚齊弟悼子而傳之荀息立悼子而葬獻公十一月里克弒悼子于朝列女傳曰鞭荀息歿之平遠曰觀

乃以身徇之長君之惡以成其亂陷奚齊悼子於死地皆息之罪也史乃許息不負其言息固如負國何楊慎曰晉公溺于變寵廢長立少荀息不能諫正遽以歿許之是其言玷

荀息甚易為力則知克不中立甲生可以免于歿也君子曰詩所謂白珪之玷猶可磨也斯言之玷不可為也杜預曰詩大雅言此言之玷難治甚於白珪其荀息之謂乎不負其言初獻公將伐驪戎十曰齒牙為禍韋昭曰齒牙為兆端左右叢折有似及破齒牙中有縱畫以象讒言之為害也及破驪戎獲驪姬愛之竟以亂晉里克等已殺奚齊悼子使人迎公子重耳於翟正義曰國語云里克及邳鄭翟曰國亂民擾得國在亂治民在擾子盍入乎欲立之重耳謝曰負父之命出奔正義曰父歿不得修人子之禮侍喪重耳何敢負音佩入大夫其更立他子還報里克里克使迎夷吾於梁

于獻公未  
沒之先而  
不可抹于  
已沒

夷吾欲往。呂省

正義曰省音青杜預曰  
姓瑕呂名餘生字子金

郤芮

正義曰  
郤成子

即冀曰。內猶有公子可立者。而外求難信。計非之秦

輔強國之威以入。恐危。乃使郤芮厚賂秦。約曰。即得

入請以晉河西之地與秦。及遣里克書曰。誠得立請

遂封子於汾陽之邑

索隱曰國語云命里克汾陽之  
田百萬命邲鄭以負蔡之田七

十萬今此不  
言亦疎略也秦穆公乃發兵送夷吾於晉。齊桓公聞

晉內亂。亦率諸侯如晉。秦兵與夷吾亦至晉。齊乃使

隰朋會秦俱入夷吾。立為晉君。是為惠公。齊桓公至

晉之高梁而還歸

平遠曰申生母齊桓公女也申生  
之歿齊桓無言焉今乃會秦以立

惠公蓋晉獻甚強桓公無  
以制之故沒而定其亂也惠公夷吾元年。使邲鄭謝

秦曰。始夷吾以河西地許君。今幸得人立。大臣曰。地

者先君之地。君亡在外。何以得擅許秦者。寡人爭之

弗能得。故謝秦。亦不與里克汾陽邑而奪之權。四月

周襄王使周公忌父

賈逵曰  
周卿士

會齊秦大夫共禮晉惠

公。惠公以重耳在外。畏里克為變。賜里克歿。謂曰。微

里子寡人不得立。雖然。子亦殺二君一大夫

服虔曰  
奚齊悼

子荀  
息也為子君者。不亦難乎。里克對曰。不有所廢。君何

以興。欲誅之。其無辭乎。乃言為此。臣聞命矣。遂伏劍

而歿。於是邳鄭使謝秦未還，故不及難。晉君改葬恭

太子申生。韋昭曰：獻公時申生葬，不如禮，故改葬之。秋，狐突之下國。服虔曰：晉

所滅國，以為下邑。一曰曲沃有宗廟，故謂之國。在絳下，故曰下國也。遇申生，申生與載

而告之曰：杜預曰：忽如夢而相見，狐突木為申生御，故復使登車也。夷吾無禮，余

得請於帝。服虔曰：帝天。帝請罰有罪。將以晉與秦，秦將祀余。狐突

對曰：臣聞神不食非其宗。若其祀毋乃絕乎？若其圖

之中生曰：諾。吾將復請帝。後十日，左傳曰：新城西偏

將有巫者見我焉。杜預曰：將因巫以見。許之，遂不見。杜預曰：狐突許其言

申生之及期而往，復見。申生告之曰：帝許罰有罪矣。

弊於韓。賈逵曰：弊敗也。韓晉韓原兒乃謠曰：恭太子更葬矣。意隱

改也。更葬也。後十四年，晉亦不昌。昌乃在兄邳鄭使秦

聞里克誅，乃說秦繆公曰：呂省卻稱冀芮實為不從。

杜預曰：三子晉大夫。不從，不與秦賂也。若重賂，與謀出晉君，入重耳，事

必就。秦繆公許之，使人與歸報晉。厚賂三子，三子曰：

幣厚言甘，此必邳鄭賣我於秦，遂殺邳鄭。及里克邳

鄭之黨七輿大夫。韋昭曰：七輿，申生下軍之衆大夫也。杜預曰：侯伯七命，副車七乘。

邳鄭子豹奔秦，言伐晉。繆公弗聽。惠公之立，倍秦地

及里克，誅七輿大夫。國人不附。二年，周使召公過禮

不坤曰夷  
謂其秦秦  
焉得不疑  
故許邳  
鄭之再入  
重耳也

晉惠公。韋昭曰。召武公為王卿士。惠公禮倨。索隱曰。謂受玉情也。召公譏之。

四年。晉饑。乞糴於秦。繆公問百里奚。服虔曰。百里奚秦大夫。

曰。天蓄流行。國家代有。救蓄恤鄰。國之道也。與之邪。

鄭子豹曰。伐之。繆公曰。其君是惡。其民何罪。卒與粟。

自雍屬絳。五年。秦饑。請糴於晉。晉君謀之。慶鄭曰。杜預

曰。慶鄭晉大夫。以秦得立。已而倍其地約。晉飢而秦貸我。今

秦飢。請糴。與之何疑。而謀之。虢射曰。服虔曰。虢射惠公舅。往年

天以晉賜秦。秦弗知取而貸我。今天以秦賜晉。晉其

可以逆天乎。遂伐之。惠公用虢射謀。不與秦粟。而發

兵且伐秦。秦大怒。亦發兵伐晉。六年春。秦繆公將兵

伐晉。晉惠公謂慶鄭曰。秦師深矣。韋昭曰。深入境。奈何。鄭曰。

秦內君。君倍其賂。晉飢。秦輸粟。秦飢而晉倍之。乃欲

因其饑伐之。其深不入宜乎。晉卜御右。慶鄭皆吉。公

曰。鄭不遜。服虔曰。孫順。乃更令步陽御戎。家僕徒為右。服虔

曰。二子晉大夫也。進兵。九月壬戌。秦繆公晉惠公合戰韓原。

索隱曰。在馮翊夏縣北。二十里。今韓城縣是也。惠公馬驚不行。索隱曰。驚謂馬重而陷之。

於秦兵至。公窘。召慶鄭為御。鄭曰。不用卜。敗不亦當

乎。遂去。更令梁繇靡御。正義曰。韋昭云。梁由靡大夫也。虢射為右。輅

秦繆公。服虔曰。輅迎也。繆公壯士冒敗晉軍。晉軍敗。遂失秦

繆公。反獲晉公以歸。秦將以祀上帝。晉君姊為繆公

夫人。衰經涕泣。公曰。得晉侯將以為樂。今乃如此。且

吾聞箕子見唐叔之初封。曰。其後必當大矣。晉庸可

滅乎。乃與晉侯盟王城。杜預曰。馮翊臨。晉縣東有王城。而許之歸晉

侯。亦使呂省等報國人曰。孤雖得歸。毋面目見社稷

十日。立子圉。晉人聞之皆哭。秦繆公問呂省。晉國和

乎。對曰。不和。小人懼失君亡親。正義曰。君惠公也。親父母也。不憚

立子圉。曰。必報讐。寧事戎狄。正義曰。小人言立子圉為君之後。必報秦。終不

事秦。寧事戎狄耳。其君子則愛君而知罪。以待秦命。曰。必報

德。有此二故。不和。於是秦繆公更舍晉惠公。餽之七

牢。正義曰。餽音置。一牛一羊一豕為一牢。十一月歸晉侯。晉侯至國。誅

慶鄭。修政教。謀曰。重耳在外。諸侯多利內之。欲使人

殺重耳於狄。重耳聞之。如齊。八年使太子圉質秦。初

惠公亡在梁。梁伯以其女妻之。生一男一女。梁伯卜

之。男為人臣。女為人妾。故名男為圉。女為妾。服虔曰。圉人掌

養馬。臣之賤者。不聘曰妾。十年秦滅梁。梁伯好土功。治城溝。賈逵曰。溝

也。民力罷怨。正義曰。其眾數相驚曰。秦寇至。民恐惑

秦竟滅之。十三年。晉惠公病。內有數子。太子圉曰。吾母家在梁。梁今秦滅之。我外輕於秦。而內無援於國。君即不起病。大夫輕更立他公子。乃謀與其妻俱亡。歸秦。女曰。子一國太子辱在此。秦使婢子侍。服虔曰。曲禮云。世婦以下。自稱婢子。以固子之心。子亡矣。我不從子。亦不敢言。子圉遂亡歸晉。十四年九月。惠公卒。太子圉立。是為懷公。子圉之亡。秦怨之。乃求公子重耳。欲內之。子圉之立。畏秦之伐也。乃令國中諸從重耳亡者。與期。期盡不到者。盡滅其家。狐突之子毛及偃從重耳在秦。弗肯召。懷公怒囚狐突。突曰。臣子事重耳有年數矣。今召之。是教之反君也。何以教之。懷公卒殺狐突。秦繆公乃發兵送內重耳。使人告欒卻之黨為內應。正義曰。欒枝。郟。殺之屬也。殺懷公於高梁。入重耳。重耳立。是為文公。

史約言曰  
紀重耳事  
重起後世  
作年譜者  
多用此法

晉文公重耳。晉獻公之子也。自少好士。年十七。有賢士五人。曰趙衰。狐偃。咎犯。文公舅也。賈佗。先軫。魏武子。自獻公為太子時。重耳固已成人矣。獻公即位。重耳年二十一。獻公十三年。以驪姬故。重耳備蒲城守秦。獻公二十一年。獻公殺太子申生。驪姬讒之。恐不

辭獻公而守蒲城。獻公二十二年，獻公使宦者履鞮趣殺重耳。重耳踰垣，宦者逐斬其衣袪。重耳遂奔狄。狄其母國也。是時重耳年四十三。從此五士其餘不

名者數十人。至狄，狄伐咎如。賈逵曰：赤狄之別，隗姓。得二女，以

長女妻重耳。生伯儵、叔劉。以少女妻趙衰。生盾。索隱曰：左

傳云：伐廡咎如，獲其二女，以叔隗妻趙衰，生盾。公子取季隗，生伯儵、叔劉。則叔隗長而季隗少，乃不同也。

居狄五歲，而晉獻公卒。里克已殺奚齊、悼子，乃使人

迎，欲立重耳。重耳畏殺，因固謝不敢入。已而晉更迎

其弟夷吾立之。是為惠公。惠公七年，畏重耳，乃使宦

者履鞮與壯士欲殺重耳。重耳聞之，乃謀趙衰等曰：

始吾奔狄，非以為可用也。索隱曰：興起也。以近易通，故且休

是休足久矣。固願徙之。大國夫齊桓公好善，志在霸

王，收恤諸侯。今聞管仲隰朋死，此亦欲得賢佐，盍往

乎。乎，遠也。觀文公此言，其適齊也。欲襲管子之迹，未遠求入，蓋以惠公新入，不測其後事耳。於是

遂行。重耳謂其妻曰：待我二十五年不來，乃嫁。其妻

笑曰：犁二十五年。索隱曰：犁猶比也。正義曰：杜吾預云：言將入木，不復成嫁也。

冢上柏大矣。雖然，妾待子。重耳居狄凡十二年而去。

過衛，衛文公不禮，去過五鹿。賈逵曰：衛地。杜預曰：今衛縣西北有地名五鹿。

平陽元城縣東亦有五鹿飢而從野人乞食野人盛土器中進之

重耳怒趙衰曰土者有土也君其拜受之至齊齊桓

公厚禮而以宗女妻之有馬二十乘重耳安之重耳

至齊二歲而桓公卒會豎刁等為內亂齊孝公之立

諸侯兵數至留齊凡五歲重耳愛齊女毋去心趙衰

咎犯乃於桑下謀行齊女侍者在桑上聞之以告其

主其主乃殺侍者服虔曰懼季公怒故殺之以滅口也勸重耳趣行重

耳曰人生安樂孰知其他必死於此徐廣曰一云人生一世必死於此

不能去乎遠曰文公無意他適心既安齊又以晉國未有釁故也齊女曰子一

國公子窮而來此數士者以子為命子不疾反國報

勞臣而懷女德竊為子羞之且不求何時得功乃與

趙衰等謀醉重耳載以行行遠而覺重耳大怒引戈

欲殺咎犯咎犯曰殺臣成子偃之願也重耳曰事不

成我食舅氏之肉咎犯曰事不成犯肉腥臊何足食

乃止遂行過曹曹共公不禮欲觀重耳駢脇曹大夫

釐負羈曰晉公子賢又同姓窮來過我奈何不禮共

公不從其謀負羈乃私遺重耳食置璧其下重耳受

其食還其璧去過宋宋襄公新困兵於楚傷於泓聞

按車耳  
亡歷諸  
國諸國  
或禮或  
不禮太  
史公悉  
書之皆  
為後日

報復張本

陳亡錫曰戰國秦漢以後人多懷此心然有天命者終不可殺可得而殺者皆狂也

主維禎曰楚方施而遽欲報宜重耳言不遜也

史記

卷三十九

齊

重耳賢乃以國禮禮於重耳。索隱曰以國君之禮禮之也。宋司馬

公孫固善於咎犯曰宋小國新困不足以求入更之

大國乃去過鄭鄭文公弗禮鄭叔瞻諫其君曰晉公

子賢而其從者皆國相且又同姓鄭之出自厲王而

晉之出自武王鄭君曰諸侯亡公子過此者衆安可

盡禮叔瞻曰君不禮不如殺之且後爲國患鄭君不

聽重耳去之楚楚成王以適諸侯禮待之。索隱曰重

耳謝不敢當趙衰曰子亡在外十餘年小國輕子况

大國乎今楚大國而固遇子子其毋讓此天開子也

遂以客禮見之成王厚遇重耳重耳甚卑。乎遠曰雖

禮而自處甚卑蓋時方寄寓當如此也成王曰子即反國何以報寡人

重耳曰羽毛齒角玉帛君王所餘未知所以報王曰

雖然何以報不穀重耳曰即不得已與君王以兵車

會平原廣澤請辟王三舍。賈逵曰司馬法從遜不楚

將子玉怒曰王遇晉公子至厚今重耳言不孫請殺

之成王曰晉公子賢而困於外久從者皆國器此天

所置庸可殺乎且言何以易之。索隱曰子玉請殺重

之出言不可輕易也居楚數月而晉太子圉亡秦秦怨之聞重

史記

卷三十九 晉世家

齊

耳在楚乃召之。成王曰：楚遠更數國，乃至晉。秦晉接

境，秦君賢，子其勉行。厚送重耳。重耳至秦，繆公以宗

女五人妻重耳。故子圉妻與往。重耳不欲受。司空季

子曰：服虔曰：晉臣曰季也。其國且伐，况其故妻乎？且受以結秦

親而求入。子乃拘小禮，忘大醜乎？遂受。繆公大歡，與

重耳飲。趙衰歌黍苗詩。韋昭曰：詩云：芄芄黍苗，陰雨膏之。繆公曰：知

子欲急反國矣。趙衰與重耳下再拜曰：孤臣之仰君

如百穀之望時雨。是時晉惠公十四年秋，惠公以九

月卒。子圉立。十一月，葬惠公。十二月，晉國大夫欒卻

等聞重耳在秦，皆陰來勸重耳。趙衰等反國，為內應

甚衆。於是秦繆公乃發兵與重耳歸晉。晉聞秦兵來，

亦發兵拒之。然皆陰知公子重耳入也。唯惠公之故

貴臣呂卻之屬。正義曰：呂甥卻芮也。不欲立重耳。重耳出亡凡

十九歲而得入。時年六十二矣。晉人多附焉。文公元

年春，秦送重耳至河。咎犯曰：臣從君周旋天下，過亦

多矣。臣猶知之，况於君乎？請從此去矣。重耳曰：若反

國，所不與子犯共者。河伯視之。索隱曰：視猶見也。乃投璧河

中。以與子犯盟。是時介子推從在船中，乃笑曰：天實

中。以與子犯盟。是時介子推從在船中，乃笑曰：天實

開公子。而子犯以為己功而要市於君。固足羞也。吾不忍與同位。乃自隱渡河。秦兵圍令狐。晉軍于廬柳。

韋昭曰廬柳晉地名。

二月辛丑。咎犯與秦晉大夫盟于郇。杜預曰解

縣西北有郇城。

壬寅。重耳入於晉師。丙午。入于曲沃。丁未。朝

于武宮。

賈逵曰文公之祖武公廟也。

即位為晉君。是為文公。羣臣

皆往。懷公圍奔高梁。戊申。使人殺懷公。懷公故大臣

呂省、卻芮本不附文公。文公立恐誅。乃欲與其徒謀

燒公宮。殺文公。文公不知。始嘗欲殺文公。宦者履鞮

知其謀。欲以告文公。解前罪。求見文公。文公不見。使

人讓曰。蒲城之事。女斬予袪。其後我從狄君。獵女為

惠公來求殺我。惠公與女期。三日至。而女一日至。何

速也。女其念之。宦者曰。臣刀鋸之餘。不敢以二心事

君倍王。故得罪於君。君已及國。其毋蒲翟乎。

孚遠曰言有蒲

翟之事當為文公盡力也。

且管仲射鈞。桓公以霸。今刑餘之人以

事告。而君不見。禍又且及矣。於是見之。遂以呂卻等

告文公。文公欲召呂卻。呂卻等黨多。文公恐初入國

國人賣已。乃為微行。會秦繆公於王城。

索隱曰杜預云馮翊臨晉

縣東有故王城。今名武鄉城也。

國人莫知。三月己丑。呂卻等果反。焚

公宮不得文公文公之衛徒與戰呂卻等引兵欲奔秦繆公誘呂卻殺之河上晉國復而文公得歸夏迎夫人於秦秦所與文公妻者卒為夫人秦送三千人為衛以備晉亂文公修政施惠百姓賞從亡者及功臣大者封邑小者尊爵未盡行賞周襄王以弟帶難出居鄭地來告急晉晉初定欲發兵恐他亂起是以賞從亡未至隱者介子推推亦不言祿祿亦不及推曰獻公子九人唯君在矣惠懷無親外內棄之天未絕晉必將有主王晉祀者非君而誰天實開之

子以為已力不亦誣乎竊人之財猶曰是盜况貪天

之功以為已力乎下冒其罪上賞其姦上下相蒙服

曰蒙難與處矣其母曰益亦求之以歿誰懟推曰尤

而效之罪有甚焉且出怨言不食其祿母曰亦使知

之若何對曰言身之文也身欲隱安用文之文之是

求顯也其母曰能如此乎與女偕隱至歿不復見介

子推從者憐之乃懸書宮門曰龍欲上天五蛇為輔

索隱曰龍喻重耳五蛇即五臣狐偃趙衰魏武子司空季子及子推也舊云五臣有先軫顛頡今恐二人非其數也○子龍曰五臣惟先軫與子推互異顛頡無與也龍已升雲四蛇各入

其字一蛇獨怨終不見處所文公出見其書曰此介

子推也吾方憂王室未圖其功使人召之則亡遂求

所在聞其入縣上山中賈逵曰縣上晉地杜預曰四河介休縣南有地名曰綿上

於是文公環縣上山中而封之以為介推田徐廣曰一作國

號曰介山以記吾過且旌善人賈逵曰旌表也從亡賤臣壺

叔曰君三行賞賞不及臣敢請罪文公報曰夫導我

以仁義防我以德惠此受上賞輔我以行卒以成立

此受次賞矢石之難汗馬之勞此復受次賞若以力

事我而無補吾缺者此受次賞三賞之後故且及子

晉人聞之皆說二年春秦軍河上將入王索隱曰河上晉地也

趙衰曰求霸莫如入王尊周周晉同姓晉不先入王

後秦入之毋以令于天下方今尊王晉之資也三月

甲辰晉乃發兵至陽樊服虔曰陽樊周地陽邑名也樊仲山之所居故曰陽樊也

圍溫入襄王于周四月殺王弟帶周襄王賜晉河內

陽樊之地四年楚成王及諸侯圍宋宋公孫固如晉

告急先軫曰報施定霸於今在矣杜預曰報宋贈馬之施也狐偃

曰楚新得曹而初婚於衛若伐曹衛楚必救之則宋

免矣於是晉作三軍王肅曰始復成國之禮半周軍也趙衰舉卻縠

樓說苑云周內

史記曰

文公其伯乎昔

聖王先德而後

力文公其常之

矣

王世貞曰成季佐晉他謀策未離春秋人

物其薦御  
穀毋論管  
鮑遠可與  
岳牧同風

史記

卷三十九

四

將中軍。郤臻佐之。使狐偃將上軍。狐毛佐之。左傳曰

偃讓於狐毛。狐毛將上軍。命趙衰為卿。欒枝將下軍。

賈逵曰。欒枝。荀林父御戎。魏犇為右。正義曰。犇

昌曰。反。往伐。冬十二月。晉兵先下山東。而以原封趙

衰。杜預曰。河內沁水。五年春。晉文公欲伐曹。假道於

衛。衛人弗許。故不與晉假道也。還自河南度。侵曹。伐

衛。正月。取五鹿。二月。晉侯齊侯盟于欽孟。杜預曰。衛

侯請盟。晉晉人不許。衛侯欲與楚國人不欲。故出其

君以說晉。衛侯居襄牛。服虔曰。公子買守衛。楚救衛

不卒。徐廣曰。晉侯圍曹。三月丙午。晉師入曹。數之以

其不用釐負羈言。而用美女乘軒者三百人也。日。乘

軒者三百人。蓋小人濫位。詩所謂三百赤芾也。史云美女亦誤。令軍毋入僖負羈宗

家以報德。楚圍宋。宋復告急。晉文公欲救。則攻楚為

楚嘗有德不欲伐也。欲釋宋。宋又嘗有德於晉。患之

先軫曰。執曹伯。分曹衛地以與宋。楚急曹衛。其勢宜

釋宋。索隱曰。楚初得曹。又新婚於衛。今晉執曹伯。而

於是文公從之。而楚成王乃引兵歸。楚將子玉曰。王

遇晉至厚。今知楚急曹衛而故伐之。是輕王。王曰。晉

接文公  
不欲伐  
楚又患  
釋宋又  
必得鄭  
君而甘  
心皆準  
出亡時  
恩怨為  
施報也  
太史公  
敘此段

史記

卷三十九

晉世家

四

段回顧  
是一篇  
大照應  
處

蘇轍曰晉  
文公以諸  
侯遇楚于  
城濮師退  
而楚不止  
遂以破楚  
而殺子玉  
使文公退  
而子玉止  
則文公之  
服楚亦無  
戰勝之功  
矣

侯亡在外十九年。困日久矣。果得反國。險阨盡知之。

能用其民。天之所開不可當。子玉請曰。非敢必有功。

願以間執讒慝之口也。服虔曰。子玉非敢求有大功。但為執為賈讒慝之口。謂子

玉過三百乘不能入也。杜預曰。執猶塞也。楚王怒少與之兵。於是子玉使

宛春告晉。賈逵曰。宛春楚之大夫也。請復衛侯而封曹。臣亦釋宋。

咎犯曰。子玉無禮矣。君取一。臣取二。勿許。韋昭曰。君

子玉也。一謂釋宋圍。二謂復曹衛也。先軫曰。定人之謂禮。楚一言定三

國。子一言而亡之。我則毋禮。不許楚。是棄宋也。不如

私許曹衛。以誘之。執宛春以怒楚。韋昭曰。怒楚令必戰。既許而

後圖之。杜預曰。須勝負決乃定計也。晉侯乃囚宛春於衛。且私許

復曹衛。曹衛告絕於楚。楚得臣怒。得臣即子玉字也。擊晉師

晉師退。軍吏曰。為何退。文公曰。昔在楚。約退三舍。可

倍乎。楚師欲去。得臣不肯。四月戊辰。宋公齊將秦將

與晉侯次城濮。賈逵曰。衛地也。○索隱曰。宋公成公王臣。齊將國歸父。秦將少子憇也。

已巳。與楚兵合戰。楚兵敗。得臣收餘兵去。甲午。晉師

還至衡雍。杜預曰。衡雍鄭地。今滎陽卷縣是也。作王宮于踐土。服虔曰。既敗楚

師。襄王自往。臨踐土。賜命晉侯。晉侯聞而為之作宮。○索隱曰。杜預云。踐土鄭地。然據此文。晉師還至衡

雍。衡雍在河南也。故劉氏云。踐土在河南。下文踐土在河北。今元城縣西有踐土驛。義或然也。初鄭

黃震曰按  
晉文侯當  
周東遷有  
功平王錫  
文侯有文  
侯之命此  
一時也其  
後晉文公  
入周襄王  
乃獻楚俘  
天子使王  
于虎命晉  
侯為伯賜  
大路弓矢  
一也此又  
遷乃取文  
侯命屬之

文公之下  
義和者文  
侯字也註  
者又云能  
以義和我  
明侯誤蓋  
矣

助楚楚敗懼使人講盟晉侯晉侯與鄭伯盟五月丁未獻楚俘於周正義曰俘音孚囚也駟介百乘徒兵千駟介駟

馬被甲也徒天子使王子虎命晉侯為伯賈逵曰王子虎周大

也夫賜大輅彤弓矢百茲弓矢千賈逵曰大輅金輅形弓赤茲弓黑也柅

一白珪瓚賈逵曰柅黑黍也香酒也白器名虎賁三千人賈逵曰天子卒

賁晉侯三辭然後稽首受之賈逵曰稽首首至地周作晉文

侯命王若曰父義和孔安國曰同姓故稱曰父○索隱曰尚書文侯之命是平王命

晉文侯仇之語今此乃是襄王命文公重耳之事代數懸隔勳策全乖太史公雖復彌縫左氏而系家頗

亦時有疎謬裴氏集解亦引孔馬之註而都不言時代乖角何習逃而同醉也然計平王至襄王為七代

仇至重耳為十一代而十三侯又平王元年至魯僖二十八年當襄二十年為一百三十餘歲矣學者頗

合計論之劉伯莊以為蓋天子命晉同此一辭尤為非也丕顯文武能慎明德孔

謂國曰文王武王能昭登于上布聞在下馬融曰昭明也上謂天下

人維時上帝集厥命于文武孔安國曰惟以是故集

恤朕身繼予一人永其在位孔安國曰當憂念我身則我一人長安在位也

於是晉文公稱伯癸亥王子虎盟諸侯於王庭服虔曰王

庭踐士也索隱曰服氏知王庭是踐士者據二十八年五月公會晉侯盟于踐士又此文四月甲午作

王宮于踐士王晉焚楚軍火數日不息文公歎左右庭即王宮也

曰勝楚而君猶憂何文公曰吾聞能戰勝安者唯聖

人。是以懼。且子玉猶在。庸可喜乎。子玉之敗而歸。楚成王怒其不用其言。貪與晉戰。讓責子玉。子玉自殺。晉文公曰。我擊其外。楚誅其內。內外相應。於是乃喜。六月。晉人復入衛侯。壬午。晉度河北歸國。行賞。狐偃為首。或曰。城濮之事。先軫之謀。文公曰。城濮之事。偃說我毋失信。先軫曰。軍事勝為右。吾用之以勝。然此一時之說。偃言萬世之功。奈何以一時之利。而加萬世功乎。是以先之。冬。晉侯會諸侯於溫。欲率之朝周。力未能。恐其有畔者。乃使人言周襄王狩于河陽。

申。遂率諸侯朝王於踐土。索隱曰。左氏五月盟于踐土。冬會諸侯于溫。天王狩于河陽。王申。公朝于王所。此文亦說冬朝于王。當合于河陽溫地。不合取五月踐土之文也。孔子

讀史記至文公曰。諸侯無召王。王狩河陽者。春秋諱之也。丁丑。諸侯圍許。曹伯臣。或說晉侯曰。齊桓公合諸侯而國異姓。今君為會而滅同姓。曹叔振鐸之後。晉唐叔之後。合諸侯而滅兄弟。非禮。晉侯說復曹伯

於是晉始作三行。服虔曰。辟天子六軍。故謂之三行也。荀林父將中行。先穀將右行。索隱曰。左傳屠擊將右行。與此文異。先蔑將左行。杜預曰。三行無

佐。疑大夫帥也。○索隱曰。按左傳荀林父並是卿。而云大夫帥者。非也。不置佐者。當避天子也。或新置三

史記 卷三十九 晉世家 三

行官未備耳

七年晉文公秦繆公共圍鄭以其無禮於文

公亡過時及城濮時鄭助楚也圍鄭欲得叔瞻叔瞻

聞之自殺鄭持叔瞻告晉晉曰必得鄭君而甘心焉

鄭恐乃間令使謂秦繆公曰

索隱曰使謂燭之武也

亡鄭厚晉

於晉得矣而秦未為利君何不解鄭得為東道交

索隱

曰交猶好也諸本及左氏皆作主

秦伯說罷兵晉亦罷兵九年冬晉

文公卒子襄公歡立是歲鄭伯亦卒鄭人或賣其國

於秦

正義曰左傳云秦晉伐鄭燭之武說秦師罷令杞子逢孫楊孫三大夫戍鄭杞子自鄭使告於

秦曰鄭人使我掌其北門之官若潛師以來國可得也

秦繆公發兵往襲鄭十

二月秦兵過我郊襄公元年春秦師過周無禮王孫

滿譏之兵至滑鄭賈人弦高將市于周遇之以十二

牛勞秦師秦師驚而還滅滑而去晉先軫曰秦伯不

用蹇叔及其眾心此可擊欒枝曰未報先君施於秦

擊之不可先軫曰秦侮吾孤伐吾同姓何德之報遂

擊之襄公墨衰絰

賈逵曰墨變凶杜預曰以凶服從戎故墨之

四月敗秦

師于殺虜秦三將孟明視西乞秣白乙丙以歸遂墨

以葬文公

服虔曰非禮也杜預曰記禮所由變也

文公夫人秦女謂襄

公曰秦欲得其三將戮之公許遣之先軫聞之謂襄

公曰患生矣。軫乃追秦將。秦將渡河，已在船中，頓首謝。卒不反。後三年，秦果使孟明伐晉，報殺之，敗取晉

汪以歸。

索隱曰：左氏傳文公二年，秦孟明視伐晉，報殺之，役無取。晉汪之事，又其年冬，晉先且居

等伐秦，取汪。彭衙而還，則汪是秦邑，止可晉伐秦取之。豈得秦伐晉而取汪也？或者晉先取之秦，今伐晉而取汪，是汪從晉來，故云取晉汪而

歸也。彭衙在郃陽，非汪不知所在。四年，秦繆公大

興兵伐我，渡河取王官。

正義曰：括地志云：王官故城在同州澄城縣西北六十里。

左傳文公三年，秦伐晉，取王官。即此先言渡河。史文顛倒耳。封殺尸而去。晉恐不

敢出，遂城守。五年，晉伐秦，取新城。服虔曰：秦邑，新所作城也。報王

官役也。六年，趙衰成子欒占，以子咎季子犯、霍伯皆卒。

賈逵曰：欒貞子欒枝也。霍伯先且居也。

趙盾代趙衰執政。七年八月，襄

公卒。太子夷臯少，晉人以難故

服虔曰：晉國數有患難也。

欲立長

君。趙盾曰：立襄公弟雍，好善而長，先君愛之，且近於

秦，秦故好也。立善則固，事長則順，奉愛則孝，結舊好

則安。賈季曰：不如其弟欒，辰、嬴嬖於二君。

服虔曰：辰嬴懷嬴也。

二君懷公文公。立其子，民必安之。趙盾曰：辰、嬴賤，班在九人

下。服虔曰：班次也。其子何震之有？

賈逵曰：震威也。且為二君嬖淫也。

為先君子。

正義曰：欒文公子也。

不能求大，而出在小國，僻也。母

淫，子僻，無威。

正義曰：言樂僻隱在陳而遠無援也。

陳小而遠無援，將何

可乎。使士會如秦迎公子雍。賈季亦使人召公子樂

於陳。趙盾廢賈季。以其殺陽處父。左傳曰：此時賈他為太師，陽處父為

太十月葬襄公。十一月賈季奔翟。是歲秦繆公亦卒。

靈公元年四月，秦康公曰：晉文公之入也，無衛，故有

呂卻之患，乃多與公子雍衛。太子毋繆嬴，日夜抱太

子以號泣於朝，曰：先君何罪？其嗣亦何罪？舍適而外

求君，將安置此？服虔曰：此太子。出朝，則抱以適趙盾所，頓首

曰：先君奉此子而屬之子，曰：此子材，吾受其賜，不材

吾怨子。王肅曰：怨其教導不至也。今君卒，言猶在耳而弃之。杜預曰：在

宣子若何？趙盾與諸大夫皆患繆嬴，且畏誅，乃背所

迎而立太子夷臯，是為靈公。發兵以距秦，送公子雍

者。趙盾為將往擊秦，敗之。令狐先蔑隨會，公奔秦。秋

齊宋衛鄭曹許君皆會趙盾盟於扈。杜預曰：鄭地，滎陽卷縣西北有

扈。以靈公初立故也。四年伐秦，取少梁。秦亦取晉之

郟。徐廣曰：年表云：北徵也。○索隱曰：按左傳文十年春，晉人伐秦，取少梁。夏，秦伯伐晉，取北徵。北徵即

年表所謂今云郟者，字誤也。徵音懲，亦馮翊之縣名。六年，秦康公伐晉，取羈馬

晉侯怒，使趙盾穿卻缺擊秦。大戰河曲，趙穿最

有功。七年，晉六卿患隨會之在秦，常為晉亂，乃詳令魏

宣子若何。趙盾與諸大夫皆患繆嬴，且畏誅，乃背所迎而立太子夷臯，是為靈公。發兵以距秦，送公子雍者。趙盾為將往擊秦，敗之。令狐先蔑隨會，公奔秦。秋齊宋衛鄭曹許君皆會趙盾盟於扈。杜預曰：鄭地，滎陽卷縣西北有扈。以靈公初立故也。四年伐秦，取少梁。秦亦取晉之郟。徐廣曰：年表云：北徵也。○索隱曰：按左傳文十年春，晉人伐秦，取少梁。夏，秦伯伐晉，取北徵。北徵即年表所謂今云郟者，字誤也。徵音懲，亦馮翊之縣名。六年，秦康公伐晉，取羈馬

壽餘反晉降秦秦使隨會之魏因執會以歸晉子龍曰按

左傳壽餘履士會之足八年周頃王崩公卿爭權故

則先有約也不得謂執不赴索隱曰春秋魯文十二年項王崩周晉使趙盾

以車八百乘平周亂而立匡王索隱曰左傳文十四

師入百乘納捷菑于邾不克乃還而周公閱與王孫

蘇訟于晉趙宣子平王室而復之則以車八百乘自

是宜子納邾捷菑不關王室是年楚莊王初即位十

二年齊人弑其君懿公十四年靈公壯俊厚歛以彫

牆賈逵曰從臺上彈人觀其避丸也宰夫肫熊蹯不

熟服虔曰蹯熊掌其肉難熟靈公怒殺宰夫使婦人

持其屍出弃之過朝趙盾隨會前數諫不聽已又見

眾人手二人前諫隨會先諫不聽靈公患之使鉏麇

刺趙盾賈逵曰鉏盾閨門閉居處節鉏麇歎曰殺忠

臣弃君命罪一也遂觸樹而死杜預曰趙初盾常田

首山徐廣曰蒲坂縣有雷首山見桑下有餓人餓人不昧明也索

隱曰鄒誕生音不昧為祈彌即左傳之提彌明也提音


而凡史記作示者示即周禮古本地神曰祇皆作示

字鄒為祈者蓋由祈提音相近字遂變為祁也昧音

米移反以昧為彌亦音相近耳又據左氏宣公三年

而歿今合二人盾與之食食其半問其故曰宦三年

柳宗元曰麇之為固善矣然而趙宣子為政之良諫君之直其為社稷之衛也久矣麇胡不聞之乃以假寐為賢何不知其大賢其小賢使不及其假寐也則固以殺



之矣是宜  
于大德不  
見故而以  
小敬免也  
暨固賊之  
悔過者奚  
可書乎

史記

卷三十九

三

服虔曰宦  
官學士也

未知母之存不願遺母盾義之益與之飯

肉已而為晉宰夫趙盾弗復知也九月晉羣公飲趙

盾酒伏甲將攻盾公宰不昧明知之恐盾醉不能起

而進曰君賜臣觴三行可以罷索隱曰欲以去趙盾

令先母及難盾既去靈公伏士未會先縱鬻狗名敖

何休曰犬  
四尺曰敖明為盾搏殺狗盾曰弃人用狗雖猛何為

然不知明之為陰德也已而靈公縱伏士出逐趙盾

不昧明反擊靈公之伏士伏士不能進而竟脫盾盾

問其故曰我桑下餓人問其名弗告服虔曰明亦因

亡去盾遂奔未出晉境乙丑盾昆弟將軍趙穿襲殺

靈公於桃園而迎趙盾虞翻曰趙盾素貴得民和靈

公少侈民不附故為弑易盾復位晉太史董狐書曰

趙盾弑其君以視於朝盾曰弑者趙穿我無罪太史

曰子為正卿而亡不出境及不誅國亂非子而誰孔

子聞之曰董狐古之良史也書法不隱杜預曰不宣

子良大夫也為法受惡服虔曰開義則服杜預惜也

出疆乃免杜預曰越境則君臣之趙盾使趙穿迎襄

公弟黑臀于周而立之是為成公成公者文公少子

史記

卷三十九 晉世家

三

毛世貞曰  
謂趙盾之  
不與謀吾  
弗知也謂  
許止之僅  
不穿藥吾  
弗知也

其母周女也壬申朝於武宮成公元年賜趙氏為公

族服虔曰公族大夫也伐鄭鄭倍晉故也三年鄭伯初立附晉

而弃楚楚怒伐鄭晉往救之六年伐秦虜秦將赤索隱

曰赤即斥謂斥候之人也按宣公八年左傳晉伐秦獲秦謀殺諸絳市蓋彼謀即此赤也晉成公六年與

魯宣八年正同故知然也七年成公與楚莊王爭彊會諸侯于扈

陳畏楚不會晉使中行桓子伐陳索隱曰桓子荀林父也因救

鄭與楚戰敗楚師是年成公卒于景公據立景公元

年春陳大夫夏徵舒弑其君靈公二年楚莊王伐陳

誅徵舒三年楚莊王圍鄭鄭告急晉晉使荀林父將

中軍隨會將上軍趙朔將下軍郤克欒書先穀韓厥

鞏朔佐之六月至河聞楚已服鄭鄭伯肉袒與盟而

去荀林父欲還先穀曰凡來救鄭不至不可將率離

心卒渡河楚已服鄭欲飲馬于河為名而去楚與晉

軍大戰鄭新附楚畏之反助楚攻晉晉軍敗走河爭

度船中人指甚衆楚虜我將智罃歸而林父曰臣為

督將軍敗當誅請死景公欲許之隨會曰昔文公之

與楚戰城濮成王歸殺子玉而文公乃喜今楚已敗

我師又誅其將是助楚殺仇也乃止四年先穀以首

計而敗晉軍河上恐誅乃奔翟與翟謀伐晉晉覺乃

族穀穀先軫子也五年伐鄭為助楚故也是時楚莊

王彊以挫晉兵河上也六年楚伐宋宋來告急晉晉

欲救之伯宗謀曰賈逵曰伯宗晉大夫楚天方開之不可當乃

使解揚給為救宋服虔曰解揚晉大夫鄭人執與楚楚厚賜使

反其言令宋急下解揚給許之卒至晉君言楚欲殺

之或諫乃歸解揚七年晉使隨會滅赤狄八年使郤

克於齊齊頃公母從樓上觀而笑之所以然者郤克

僂而魯使蹇衛使眇故齊亦令人如之以導客郤克

怒歸至河上曰不報齊者河伯視之至國請君欲伐

齊景公問知其故曰子之怨安足以煩國弗聽魏文

子請老休碎郤克克執政九年楚莊王卒晉伐齊齊

使太子彊為質於晉晉兵罷十一年春齊伐魯取隆

索隱曰劉氏云隆卽龍也魯國有隆山又此年當魯成二年經書齊侯伐我北鄙傳曰圍龍又鄒誕及別本作侑字侑當作鄒文十二年季孫行父帥師城諸及鄆鄆卽侑也魯告急衛衛與魯

皆因郤克告急於晉晉乃使郤克欒書韓厥以兵車

八百乘與魯衛共伐齊夏與頃公戰于鞏傷困頃公

頃公乃與其右易位下取飲以得脫去齊師敗走晉

追北至齊。頃公獻寶器以求平。不聽。卻克曰：必得蕭

桐姪子為質。索隱曰：傳作叔子。齊使曰：蕭桐姪子。頃公母。頃

公母。猶晉君母。奈何必得之。不義。請復戰。晉乃許與

平而去。楚申公巫臣盜夏姬以奔晉。晉以巫臣為邢

大夫。賈逵曰：邢晉邑。十二年冬，齊頃公如晉，欲上尊晉景公

為王。景公讓不敢。晉始作六卿。賈逵曰：初作六卿，僭王也。韓厥鞏

朔趙穿荀驩趙括趙旃皆為卿。索隱曰：驩音佳，諡文子也。智罃自

楚歸。十三年，魯成公朝晉，晉弗敬。魯怒，去倍晉。晉伐

鄭取汜。十四年，梁山崩。公羊傳曰：梁山，河上山。杜預曰：在馮翊夏陽縣北也。問

伯宗。伯宗以為不足怪也。徐廣曰：年表云：伯宗隱其人，用其言。十六年

楚將子反怨巫臣滅其族。巫臣怒，遺子反書曰：必令

子罷於奔命，乃請使吳，令其子為吳行人。敎吳乘車

用兵。吳晉始通約伐楚。十七年，誅趙同趙括族滅之。

韓厥曰：趙衰趙盾之功，豈可忘乎。奈何絕祀。乃復令

趙盾子武為趙後，復與之邑。乎遠曰：此與趙世家所載不同。十九年

夏景公病，立其太子壽曼為君。是為厲公。後月餘，景

公卒。厲公元年初立，欲和諸侯。與秦桓公夾河而盟，

歸而秦倍盟。與翟謀伐晉。三年，使呂相讓秦。賈逵曰：呂相，晉

上應麟曰  
伯宗好直  
言而不容  
于晉國武  
于好盡言  
而不容于  
齊小人衆  
而君子獨  
也

夫大因與諸侯代秦至涇敗秦於麻隧虜其將成差五年三郤讒伯宗殺之賈逵曰三郤郤伯宗以好直諫得此禍國人以是不附厲公六年春鄭倍晉與楚盟晉怒欒書曰不可以當吾世而失諸侯乃發兵厲公自將五月渡河聞楚兵來救范文子請公欲還郤至曰發兵誅逆見彊辟之無以令諸侯遂與戰癸巳射中楚共王目楚兵敗於鄆陵徐廣曰一作焉服虔曰鄆陵鄭之東南地也子反收餘兵拊循欲復戰晉患之共王召子反其侍者豎陽穀進酒子反醉不能見王怒讓子反子反歿

王遂引兵歸晉由此威諸侯欲以令天下求霸厲公多外嬖姬歸欲盡去羣大夫而立諸姬兄弟寵姬兄曰胥童嘗與郤至有怨及欒書又怨郤至不用其計而遂敗楚左傳曰欒書欲待楚師還而擊之郤至云楚有六問不可失也乃使人問謝楚楚來詐厲公曰鄆陵之戰實至召楚欲作亂內子周立之會與國不具是以事不成厲公欲欒書欒書曰其始有矣願公試使人之周徵考之虞翻曰果使郤至於周欒書又使公子周見郤至郤至不知見賣也厲公驗之信然遂怨郤至欲殺之八年厲公獵

與姬飲。郤至殺豕奉進宦者奪之。

索隱曰宦者孟張

郤至射

殺宦者。公怒曰季子欺子。

杜預曰公反以爲郤至奪豕也

將誅三郤

未發也。郤錡欲攻公曰我雖死公亦病矣。郤至曰信

不反君。智不害民。勇不作亂。失此三者誰與我。我死

耳。十二月壬午。公令胥童以兵八百人襲攻殺三郤。

胥童因以劫樂書中行偃于朝曰不殺二子患必及

公公曰一旦殺三卿。寡人不忍益也。對曰天將恐君

杜預曰人謂書偃也

公弗聽。誅樂書等以誅郤氏。罪大夫復位

二子頓首曰幸甚。去甚。

乎遠曰厲公以樂氏郤氏不和故不欲并誅二子然三

誅則二子亦懼矣

公使胥童爲卿。閏月乙卯厲公游

匠驪氏

賈逵曰匠驪氏晉外嬖大夫在翼者

樂書中行偃以其黨襲捕

厲公囚之殺胥童而使人迎公子周于周而立之是

爲悼公。悼公元年正月庚申樂書中行偃弒厲公。葬

之以一乘車。

左傳曰葬之于翼東門之外也。杜預曰言不以君禮葬也。諸侯葬車七乘。

厲公囚六日。歿。十日庚午智瑩迎公子周來至絳

刑雞與大夫盟而立之。是爲悼公。辛巳朝武宮。二月

乙酉卽位。悼公周者其大父捷晉襄公少子也。不得

立號爲桓叔。桓叔最愛。桓叔生惠伯。談談生悼公。周

世貞曰也悼也之令君又劍伯優哉必吾從悼

周之立年十四矣悼公曰大父父皆不得立而避難於周客歿焉寡人自以疎遠毋幾為君索隱曰幾音冀謂望也

今大夫不忘文襄之意而惠立相叔之後賴宗廟大夫之靈得奉晉祀豈敢不戰戰乎大夫其亦佐寡人

於是逐不臣者七人修舊功施德惠收文公入時功

臣後秋伐鄭鄭師敗遂至陳三年晉會諸侯索隱曰於鷄澤

也悼公問羣臣可用者祁奚舉解狐解狐奚之仇復

問舉其子祁午君子曰祁奚可謂不黨矣外舉不隱

仇內舉不隱子方會諸侯悼公弟楊于亂行賈逵曰行陣也

魏絳戮其僕賈逵曰僕御也悼公怒或諫公公卒賢絳任之

政使和戎戎大親附十一年悼公曰自吾用魏絳九

合諸侯服虔曰九合一謂會于戚二會城棗救陳三會于鄆四會于邢丘五同盟于戲六會于相

七戍鄭虎牢八同盟于亳城非九會于蕭魚和戎翟魏子之力也賜之樂

三讓乃受之冬秦取我櫟索隱曰音歷釋例云在河非地闕十四年

晉使六卿率諸侯伐秦度涇大敗秦軍至械林而去


十五年悼公問治國於師曠師曠曰惟仁義為本冬

悼公卒子平公彪立平公元年伐齊齊靈公與戰靡

下徐廣曰靡一作歷○索隱曰劉氏靡音眉綺及即靡筭也齊師敗走晏嬰曰君

亦毋勇何不止戰遂去晉追遂圍臨菑盡燒屠其郭中東至膠南至沂齊皆城守晉乃引兵歸六年魯襄公朝晉晉欒逞有罪奔齊乎遠曰欒逞即欒盈也八年齊莊公微遣欒逞於曲沃以兵隨之齊兵上太行欒逞從曲沃中反襲入絳絳不戒平公欲自殺范獻子止公以其徒擊逞逞敗走曲沃曲沃攻逞逞死遂滅欒氏宗逞者欒書孫也其入絳與魏氏謀齊莊公聞逞敗乃還取晉之朝歌去以報臨菑之役也十年齊崔杼弑其君莊公晉因齊亂伐敗齊於高唐去報太行之役也十四年吳延陵季子來使與趙文子韓宣子魏獻子語曰晉國之政卒歸此三家矣十九年齊使晏嬰如晉與叔嚮語叔嚮曰晉季世也公厚賦為臺池而不恤政政在私門其可久乎晏子然之二十二年代燕二十六年平公卒子昭公夷立昭公六年卒六卿

疆公室卑索隱曰韓趙魏范中行及智氏為六卿子後韓趙魏為三卿而分晉政故曰三晉子頃公去疾立頃公六年周景王崩王子爭立晉六卿平王室亂立敬王九年魯季氏逐其君昭公昭公居乾侯十一年衛宋使使請晉納魯君季平子私賂范



獻子獻子受之乃謂晉君曰季氏無罪不果入魯君十二年晉之宗家祁僕孫叔嚮子相惡於君六卿欲弱公室乃遂以法盡滅其族而分其邑為十縣各令其子為大夫晉益弱六卿皆大十四年頃公卒子定公午立定公十一年魯陽虎奔晉趙鞅簡子舍之十二年孔子相魯十五年趙鞅使邾鄆大夫午不信欲殺午午與中行寅范吉射親攻趙鞅索隱曰寅荀偃之孫射音亦范獻子士鞅至保晉陽定公圍晉陽荀櫟韓不信魏侈與范中行為仇乃移兵伐范中行范中行反晉君擊之敗范中行走朝歌保之韓魏為趙鞅謝晉君乃赦趙鞅復位二十二年晉敗范中行氏二子奔齊三十年定公與吳王夫差會黃池爭長趙鞅時從卒長吳徐廣曰吳世家說黃池之盟云趙鞅怒將戰吳乃長晉定公左氏傳云乃先晉人外傳云吳公先歃血晉公次之十一年齊田常弒其君簡公而立簡公弟騫為平公三十三年孔子卒三十七年定公卒子出公鑿立出公十七年徐廣曰年表云出公立十八年或云二十年也知伯與趙韓魏共分范中行地以為邑出公怒告齊魯欲以伐四卿索隱曰時趙韓魏共滅范氏及中行氏而分其地猶有知氏與三晉故云四卿四

余有丁曰按左傳趙鞅謂邾鄆午曰歸我衛肯之百家吾合諸三日陽午許諾歸告

其父兄父兄皆曰不可趙孟怒遂殺午午中行寅之孫中行寅范吉之姻也而相與趙孟趙孟

按一立  
哀公也  
太史公  
兩敘其  
立之之  
自皆由  
伯故  
出用故

史記

卷三十九

五

卿恐遂反攻出公。出公奔齊。道次故。知伯乃立昭公。

曾孫驕為晉君。是為哀公。索隱曰：趙系家云：驕是為昭公。又年表云：出公十八年次哀公。思二年次懿公。驕十七年紀年。又云：出公二十三年奔楚。乃立昭公之孫。是為敬公。系本亦云：昭公生札。桓公。子雍。生思。思生懿。公驕。然晉趙系家及年表並皆不同。何况紀年之說也。哀公大

父雍。晉昭公少子也。號為戴子。徐廣曰：世本作桓。戴子生思。思善。知伯蚤歿。故知伯欲盡并晉。未敢乃立

忌子驕為君。當是時晉國政皆決知伯。晉哀公不得有所制。知伯遂有范中行地。壻疆。哀公四年。趙襄子

韓康子魏相子共殺知伯。盡并其地。索隱曰：知紀年之說。此乃出公

二十二年。十八年哀公卒。子幽公柳立。幽公之時。晉畏

反朝韓趙魏之君。索隱曰：畏懼也。為衰弱故反朝韓趙魏也。宋忠引此注系本。而畏字

作。獨有絳曲沃。餘皆入三晉。十五年魏文侯初立。索隱曰：按紀年魏文侯初立。在敬公十八年。十八年幽公淫婦人。夜竊出邑

中。盜殺幽公。索隱曰：紀年云：夫人秦嬴賊公於高寢之上。魏文侯以兵誅

晉亂。立幽公子止。是為烈公。索隱曰：系本幽公生烈成公止。又年表云：魏誅

幽公立其弟止也。烈公十九年。周威烈王賜趙韓魏皆命為

諸侯。二十七年烈公卒。子孝公頎立。索隱曰：系本云：以孝公為桓公。故孝公九年。魏武侯初立。襲邯鄲不

韓子有晉桓侯。

史記

卷三十九 晉世家

三

三

三

勝而去十七年孝公卒

索隱曰紀年云桓公二十年趙成侯韓共侯遷桓公於屯

留已後更無晉事

子靜公俱酒立

索隱曰系本云靜公是也

是歲齊威王

元年也靜公二年魏武侯韓哀侯趙敬侯滅晉後而

三分其地

索隱曰紀年云魏武侯以桓公十九年卒韓哀侯趙敬侯並以桓公十五年卒又趙

系家利侯

十六年與韓分晉封晉君端

靜公遷為家

人晉絕不祀

太史公曰晉文公古所謂明君也。亡居外十九年。至

困約。及即位而行賞。尚忘介子推。况驕王乎。靈公既

弒。其後成景致嚴。至厲大刻。大夫懼誅禍作。悼公以


後日衰。六卿專權。故君道之御其臣下。固不易哉。

索隱述贊曰天命叔虞卒封於唐桐圭既削河汾

是荒文侯雖嗣曲沃日疆未知本末詐傾桓莊獻

公昏惑太子罹殃重耳致霸朝周河陽靈

既喪德厲亦無防四卿侵侮晉祚遽亡



終

史記

